





DAVID BINNING MONRO.

Ms. 110

1/2

QUAESTIONES HOMERICAE

SCRIPSIT

JULIUS FRANCISCUS LAUER

DR. PHIL. AA. LL. M.

QUAESTIO PRIMA

DE UNDECIMI ODYSSEAE LIBRI FORMA GERMANA
ET PATRIA.

BEROLINI

APUD GUILIELMUM BESSER.

1843.




VIRIS

DOCTISSIMIS ILLUSTRISSIMIS

AUGUSTO BOECKHIO
CAROLO LACHMANNO

PRAECEPTORIBUS CARISSIMIS

S.



PROOEMIUM.

Si quis accurate vult de interpolationibus judicare, quas in Homeri carminibus inesse constat: is subtile rationibusque confirmatum de horum carminum origine iudicium sibi comparaverit necesse est. Nam cum permulta et in Iliade et in Odyssea inveniantur, quae aut cum rebus alibi commemoratis discrepent, aut alium quendam colorem, vigorem verborumque usum prae se ferant: apparet haec omnia interpreti aliquid offensionis praebere, quae non semper ita tollatur, ut sive versus aliquos, sive magnam carminis partem interpolata esse censeamus. Quod cuique, qui diligenter haec carmina pervestigavit, notum est neque demonstratione indiget. ¹⁾ Id tamen unum hoc loco moneatur, multa inesse in Odysseae prima et postrema parte, quae rebus inde a libro quinto usque ad duodecimum narratis non solum non congruant, sed etiam contraria videantur. Itaque quia haec et verborum et sententiarum et rerum diversitas inde explicari nequit, ut Homeri carmina interpolata habeamus, neque quidquam satis certi ac probati de Homero refertur, sed plurimae de huius poetae et patria et aetate opiniones, quarum unaquaeque magni alicujus viri auctoritatem sequitur, exstant: nihil fere nobis est reliquum, nisi ut in F. A. Wolfii, viri de his studiis optime meriti, senten-

¹⁾ cf. libros not. 9 laud.

tiam discedamus, cum inveterata illa de Homero opinio, qua hic totius Iliadis Odysseaeque auctor perhibetur, neque diversitatem illam, quam dixi, tollat neque ipsa satis explorata constare videatur.

Nihilominus hanc, quae est antiquitatis, opinionem nostris temporibus defendere imprimis conatus est Nitzschius, qui, ut de Iliade taceam, Odysseae libros viginti quattuor communi quodam vinculo contineri et in ipsa origine ita institutos ac formatos esse arbitratur, ut libri priores posteriores requirant, neque posteriores esse possint nisi prioribus antegressis ²⁾. Praecipue vero hoc inde studet demonstrare, quod Odysseam ita quattuor partibus constitutam esse dicit, ut primâ Ulixes a domo et uxore absens, secundâ Ulixes domum revertens, tertiâ Ulixes de ultione cogitans, quartâ denique Ulixes poenas a prociis repetens et in quietam uxoris regnique possessionem restitutus celebretur ³⁾.

At haec viri doctissimi sententia de Odysseae, quo singuli libri contineantur, vinculo, nihil aliud est nisi filum, ut ita dicam, narrationis historiae a poeta traditae, neque vero nervus et anima hujus poematis, quo aliqua animi humani condicio sive affectus aliqui sub imagine hominis cuiusdam fingitur et proponitur. Historia enim, quae carmine aliquo enarratur, una esse potest et tota secum consentiens, neque tamen poema artificium est et opus, quo aut audiendo aut legendo hominum animi non vulgari modo delectentur. Quod ut efficiatur, cogitationem inesse aliquam in carmine opus est, quâ omnium pari modo intersit et qua animi nostri sub specie delectationis compleantur. Hoc igitur si quaeremus in Ulixis fabula longe aliud inveniemus, quam quod a Nitzschio prolatum est. Explicuit enim argumentum *ἔξωτερικόν* non *ἑσωτερικόν*, ita ut hac singularum Odys-

²⁾ Anmerk. zur Odyssee. Vol. II. p. XXXIII.

³⁾ I. I. p. XXXIV. et ante in Ersch. et Gruber. Encyclopaedie der Wissenschaften und Künste. s. v. Odyssee.

seae partium cohaerentia meo quidem iudicio uti non possit, ut *Odyseam* qualem nunc habemus ab uno eodemque auctore totam esse factam evincat ⁴⁾).

Jam vero cum *Nitzschii* de *Odyseae* sententiam etiam alias ob causas sequi non possim, praesertim cum permulta in hoc carmine inveniantur, quibus cogar, ut duas fabulas singulaque earum poemata in illo conjuncta esse arbitrer: in *Wolfii* partes abeo, qui ex diversis carminibus inter se conjunctis *Iliadem* *Odyseam*que prognatas existimat, quamquam ab ejus quoque sententia paullulum recedam.

Historia enim poesis Germaniae et Scandinaviae, cujus adhuc miro modo fere nulla his in studiis habita est ratio, plane docet, qui fieri possit, ut carmina vel maxima componantur ab ipso populo. Ut vero unde orta sit fabula aliqua plerumque nescimus, ita apud omnes populos, quibus sensus aliqui pulchritudinis est, poemata invenimus, quorum auctor nominari nemo potest. Exemplum autem habemus luculentissimum, carmen dico illud de *Nibelungis*, quod e singulis quibusdam populi carminibus circa annum *MCCX* in id, quod nunc habet, corpus redactum esse inter omnes constat, qui in his studiis sunt versati ⁵⁾). Quae quidem carmina popularia tanta arte tantaque pulchritudine composita sunt, ut cum *Homeri* illis summo jure possint comparari. Itaque *Homeri* quoque carmina simili modo ⁶⁾ ab

⁴⁾ cf. *G. Hermann. de interpolat. Homeri. Lips. 1832. p. 4 sqq.*
B. Thiersch. Ueber das Vaterland und Zeitalter des Homer. ed. II. Halberstad. 1832. 8. p. 9 sqq.

⁵⁾ *Lachmann. Zu den Nibelungen. Berlin 1836. p. 1 sqq.*
 cf. *W. Grimm. deutsche Heldensage. Götting. 1829. p. 373 sqq.*
Talvj Charakteristik der Volkslieder. Leipz. 1840. p. 359 sqq.

⁶⁾ Quare permagna salus potest et immensum studiis *Homeri*-
 cis adjumentum existere e carminis epici in Germania et Scandinavia
 historia, cujus etiam primordia possimus tam bene contemplari, nulla
 ut alia ex re major fructus percipiatur.

ipso populo facta et profecta, ⁷⁾ a rhapsodis recitata, multos annos memoria tantum comprehensa esse arbitrór, donec Pisistrati cura litteris mandarentur et in unum corpus colligerentur ⁸⁾).

Qua in re auctores sequor et patronos Carolum Lachmannum et Godofredum Hermannum, viros clarissimos, qui Iliadem multis carminibus constare argumentis ostenderunt, ⁹⁾ quibus quid opponi possit equidem nesciam. Itaque cum supersedere possim longa argumentorum enumeratione, quibus ductus hanc sententiam amplexus sim, duo sola proferam argumenta, quae ad eam confirmandam haud paulum conferunt.

In Iliadis enim libro secundo locus aliqui inest, qui etsi propter pulchritudinem ab omnibus fere interpretibus eximie praedicabatur, tamen nos accurate considerantes vehementer offendat:

455. ἥ τε πῦρ αἰδομένη ἐπιφλέγει ἄσπετον ὕλην
οὔρεος ἐν κορυφῇ, ἔκαθεν δέ τε φαίνεται αὐγή·
ὥς τῶν ἐρχομένων ἀπὸ χάλκοῦ θεσπεσίῳ
αἶγλη παμφανόσσει δι' αἰθέρος οὐρανὸν ἴκεν.
τῶν δ' ὥς τ' ὀρνίθων πετεηνῶν ἔθνεα πολλά,

460. χηνῶν ἢ γεράνων ἢ κύκνων δουλιχοδείρων,
Ἄτρεψ ἐν λειμῶνι, Καῦστρίου ἀμφὶ ῥέεθρα

⁷⁾ „Che perciò i popoli greci cotanto contesero della di lui (Omero) patria, e' l vollero quasi tutti lor cittadino; perchè essi popoli greci furono quest' Omero.“ G. Vico principi di scienz. nuov. Napoli 1811. Vol. III. p. 33. cf. excellentem hac de re expositionem viri docti Dugas-Montbel. histoire des poésies Homériques. Paris 1831. p. 26 seqq.

⁸⁾ cf. Wolf. Prolegg. p. CXLII sqq. Dugas-Montbel. l. l. p. 6 sqq. Fr. Ritschl, die Alexandrinische Bibliothek etc. Breslau 1838. 8. ejusd. corollarium disputationis de bibl. Alexdr. Bonn 1840. 4.

⁹⁾ Lachmann, „Ueber die Ilias“ in: Abhandl. der Academ. d. W. zu Berlin aus d. Jahren 1837 et 1841. — G. Hermann. de interpolationibus Homeri. Lipsiae 1832. 4. de iteratis apud Homerum. ibid. 1840. 4.

- ἔνθα καὶ ἔνθα ποταῖνται ἀγαλλόμεναι περὺγυστιν,
 κλαγγηδὸν προκαθιζόντων, σμαραγεῖ δέ τε λειμῶν·
 ὡς τῶν ἔνθα πολλὰ νεῦν ἀπο καὶ κλιτιάων
465. ἐς πεδίον προχέοντο Σκαυάνδριον· αὐτὰρ ὑπο χθονὸς
 σμερδαλέον κονάβιζε ποδῶν αὐτῶν τε καὶ ἵππων.
 ἔσταν δ' ἐν λειμῶνι Σκαυανδρίῳ ἀνθεμόεντι,
 μυρίοι, ὅσα τε φύλλεα καὶ ἄνθεα γίγνεται ὄρη.
 ἥ τε μυιάων ἀδινάων ἔνθα πολλὰ,
470. αἷτε κατὰ σταθμὸν ποιμνηῖον ἡλάτκευσιν
 ὄρη ἐν εἰαυῇ, ὅτε τε γλῆγος ἄγρεα δύνει·
 τότε τοὶ ἐπὶ Τρώεσσι κερηκομόωντες Ἀχαιοὶ
 ἐν πεδίῳ ἔσταντο, διαρῥαῖται μεμαῶτες.
 τοὺς δ' ὥς· αἰπόλ' αἰπὰ πλατὺ αἰγῶν αἰπόλοι ἄνδρες
475. ῥῆϊα διακρίνωσιν, ἐπεὶ κε νομῶ μεγέωσιν·
 ὡς τοὺς ἡγεμόνες διεκότμεον ἔνθα καὶ ἔνθα,
 ὑσμίνηνδ' ἰέναι· μετὰ δὲ κρείων Ἀγαμέμνων,
 ὄμματ' αἰ κεφαλὴν ἱκέλος Διὶ τερπιχεραίνων,
 Ἄρει δὲ ζώνην, στίρνον δὲ Ποσειδάωνι.
480. ἥ τε βοῦς ἀγέλῃφι μέγ' ἔξοχος ἔπλετο πάντων,
 ταῦρος δ' ὃ γάρ τε βόεσσι μεταπρέπει ἀγρομένησιν·
 τοῖον ἄρ' Ἀτρεΐδην εἶκε Ζεὺς ἡματι κείνῳ,
 ἐκπρέπ' ἐν πολλοῖσι καὶ ἔξοχον ἠρώεσσι.

Quis est enim, qui hanc imaginum coacervationem non miretur? quis, qui non videat, eam non aliter bene comprehendī, quam si ex diversis hunc locum carminibus ortum existimemus? Nam cum HomERICA carmina variis Graeciae locis et a multis recitarentur, Graecos ad proelium exeuntes variis carminibus celebratos et cum iis rebus, quae singulis poetis aptissimae viderentur, comparatos fuisse verisimile est. Cum vero Pisistrati temporibus, fortasse propter minorem, qua e recitando capiebatur, delectationem rhapsodorumque pravitatem, haec popularia carmina, quae et e memoria sensim elabi et in malam partem converti inciperent, a Pisistrato colligerentur: ex variis Graeciae et Asiae locis rhapsodos probabile est Athenas convenisse, qui ad

poemata HomERICA in unum corpus redigenda studium aliquod et doctrinam adhiberent. Qua in re conficienda si quis rhapsodus comparationem a vulgari diversam proferret, qui singula carmina componebant sensu quodam pulchritudinis et religione commoti diversas illas comparationes eo, quo nostro loco factum est, modo conjunxisse videntur.

Alter locus, de quo disseram, initio Odysseae invenitur atque magnam et justam nobis mirationem movet. Nam quod jam alii viri docti perspexerunt,¹⁰⁾ exitus concilii a diis de Ulixis reditu habiti et Minervae iter in Ithacam susceptum, tantum abest, ut cum expectatione nostra consentiant, ut plane huic sint contraria. Etenim quamquam Minervae preces, quae Jovem ceterosque deos commovebant, ut Ulixis recordarentur eique felicem in patriam reditum parandi consilium caperent, ita sunt institutae, ut auxilium subito ac statim praestandum requirant: tamen Jovem, qui liberalitate quadam Ulixem contra Neptuni iram se tuiturum esse filiae promiserat, tam quietum videmus atque inertem, ut ejus quod promiserat pene oblitus videatur. Neque tamen causa esse ulla potuit, quae eum, quominus Mercurium ad Calypsonem mitteret, impediverit. Nam metus, ne auxilium Ulixi oblatum Neptunus aegre ferret, tum cum Mercurius re vera in Ogygiam insulam proficiscebatur, minor esse nequibat, quam primum Minerva adstimulante. Sed nullum Jovi metum fuisse verba patefaciunt:

¹⁰⁾ v. c. Paolo Beni (Comparazione di Hom. Virg. e Torquato. Padova. 1607. 4.) P. Rapin (observations sur le poëmes d'Hom. et de Virg. Paris 1669. 12. lat. Ultraj. 1684. 12. p. 36 sqq. 44. 49.) — Koes (de discrepantiis quibusdam in Od. occurrentibus. Hafniae 1806. 8. p. 18 sqq.) — Spohn (de extrema Od. parte. Lips. 1816. 8. p. 97 not. 6.) — Kayser (de diversa Homericorum carminum origine. Heidelberg 1835. 8. p. 11. — Repugnantiam quae in nostro loco inest neque G. Lange (disquisitiones Homericæ. P. I. Argentorat. 1828. 4. p. 12 sqq.) tollit, neque O. Mueller histor. litt. Gr. Vratislav 1841. 8. Tom. I. p. 101, neque Nitzschius l. l.

ἀλλ' ἄγεθ', ἡμεῖς οἶδε περιφραζώμεθα πάντες
νόστον, ὅπως ἔλθῃσι· Ποσειδάων ἐὲ μεθήσει
ὅν χόλον· οὐ μὲν γάρ τι δυνήσεται ἀντία πάντων
ἄθανάτων αἰήτι θεῶν ἰριδανέμεν εἶος. Od. I, 76 sqq.

Et quae verba antecedunt:

τίκνον ἑμὸν, παῖόν σε ἔπος φύγεν ἕρκος ὀδόντων;
πῶς ἂν ἔπειτ' Ὀδυσσεὺς ἐγὼ θεῖοιο λαοδόμῳ,
ὅς περὶ μὲν νόον ἐστὶ βροτῶν, περὶ δ' ἱρὰ θεοῖων
ἄθανάτοισιν ἔδωκε, τοὶ οὐρανὸν εὐρὺν ἔχουσιν.

v. 64 sqq.

ea tantam produnt Ulixem adjuvandi facilitatem, ut poeta, si voluit haec eo, quo fiunt, modo fieri, causam aliquam probabilem afferre, neque in sola Jovis negligentia ac pigritia auxilii ponere dilationem debuerit.

Minerva quoque parum sibi constat iter illud in Ithacam suscipiens. Nonne enim verbis, quibus patrem allocuta est, imprimis vero his:

Ἑρμείαν μὲν ἔπειτα δικάτορον Ἀργεϊφόντην
νήστον ἐς Ὠλυγίην ἐτρύνομεν, ὅφρα τάχιστα
Νύμφῃ εὐπλοκάμῳ εἴπῃ νημερτέα βουλήν,
νόστον Ὀδυσσεὺς ταλασίφρονος, ὥς κε νήται.

v. 84 sqq.

tam flagrantem Ulixis curam ostendit, ut nihil illam habere antiquius existimes, nisi ut nuntium ad nympham mittat. Nihil tamen hanc missionem curat, sed ad Telemachum proficiscitur eumque ad iter illud excitat, quod voluptatis magis quam necessitatis causa susceptum videtur. Itaque idem rerum status initio libri quinti recurrit, quem facere non possum, quin eodem modo, quo antea illam comparationum copiam, formatum esse ducam¹¹⁾. Fortasse libri primi versus octogesimus septimus ita cum libri quinti versu vigesimo octavo connectendus est, ut vv. 82—87 Jovi tribuantur,

¹¹⁾ cf. G. Muellerei homer. Vorschule. ed. II. Lips. 1836. p. 108 sq.

qui jam unus loquatur vv. 63—87, et v. 80 sq. et V, 1—27 interpositi habeantur ¹²).

Atque haec quidem mea de Homericorum carminum origine opinio est. Reliquum est, ut paucis quid de interpolationibus judicem exponam.

Tria autem interpolationum in Homero sunt genera, quorum primum in iis versibus versatur, qui licet prorsus sibi repugnent tamen, cum differentia ipsam narrationis naturam propius, quam cui versibus ex Homero ejicendis mederi possimus, attingat, alio modo inter se conciliari nequeunt, quam si versus illos ad diversa carmina pertinere arbitramur, quae separatim facta aut a rhapsodis aut ab iis, qui singula HomERICA carmina colligebant, ad unum aliquod poema efficiendum inter se conjungebantur. Tales potissimum interpolationes Lachmannus et Hermannus perscrutati sunt. Quas apparet Iliade Odysseaeque in singula carmina dividendis sublatum iri ¹³).

Secundum genus est versuum eorum, qui tum demum oriebantur, cum et carmina condendi et fabulas fingendi facultas vehementer esset debilitata. His enim temporibus rhapsodi, qui jam poetarum munere fungebantur, versus componebant et genuinis interserebant tales, quales si accurate perspexeris ferri non posse intelliges. Maxime vero hoc ita factum est, ut rhapsodi, qui nullam haberent rationem causae, cur fabula hoc et non alio modo formata esset, cur poeta hoc enarrasset, illud praeterisset, id, quod Homerus non nisi brevibus verbis dixisset strictimque attigisset, uberius ac fusius enarrarent ¹⁴).

¹²) Tale quid jam Kaysero l. l. p. 11 in mentem venisse video. — Quod vocabulum $\mu\iota\varsigma$ (l. 84) nullum & sequitur, id saepius apud Homerum fieri constat. cf. Od. I, 78. Il. V, 901. VII, 357. De toto loco alibi fusius disseram.

¹³) cf. Cap. IV.

¹⁴) cf. Heyn. Il. Tom. VII. p. 487. Huc pertinet locus de Elpenore. cf. infra.

Tertium interpolandi genus id est, quo sive a rhapsodis sive ab aliis singuli versus adjiciebantur, "qui quamvis carminis rationem et naturam non offendant, tamen varias ob causas non apte sunt genuinis agglutinati" ¹⁵).

Quamquam quae adhuc de Homericorum carminum origine et forma disputavi, ea certo aliquo exemplo, quod propositurus sum, multo etiam luculentius apparebunt. Quod quidem exemplum, cum Iliadem variis carminibus constare viri docti sat demonstrarint, ex Odyssea sumpsi. Ex omnibus autem Odysseae libris nullus est, qui tantopere sit interpolationibus foedatus, quantopere liber undecimus. Neque vero hoc mirum. Etenim si quis accuratius libri hujus naturam et compositionem reputarit, statim animadvertet, fere nullum posse inveniri, qui tantam ad interpolandum ansam praeberit ¹⁶). Nam quae in illo libro inest feminarum et virorum enumeratio quamquam aliqua saltem ex parte a primo Νεικίας conditore profecta videtur, facile tamen apparet tum non totum catalogum genuinum esse, tum quomodo fieri potuerit, ut alia et virorum et feminarum nomina germanis subjungerentur. Quod quidem cum aliis rationibus potest evinci, tum inde comprehenditur, quod HomERICA carmina decantata esse et per totam Graeciam recitata nobis traditum est. Nam cum rhapsodi omne studium in eo maxime ponerent, ut populo placerent, eos ad populi delectationem carmina accommodasse verisimile est. Quod maxime ita ab iis instituebatur, ut loci cujusvis, quocunque recitabant, et heroum et feminarum nobilium nomina carminibus immiscentes illorum laudem praedicarent ¹⁷).

¹⁵) v. c. Od. XI, 157—159; 321—325; 328—384; 565—600; 602—604. al. al. cf. infra.

¹⁶) Guil. Mueller. Homer. Vorsch. p. 79.

¹⁷) Confer infra Cap. III. O. Muellerei Aeginetica. Berolin 1817. p. 24 sq. Litterat. Gesch. Tom. I, p. 94, not. 5. p. 95. not. 1. O. Gruppe Ueber die Theogonie des Hesiod. Berl. 1841. p. 34 sqq. p. 120.

Quamquam non solum catalogus ille interpolationibus est amplificatus, verum etiam alii *Νεκυιάς* loci exstant, qui aut rhapsodis aut aliis, neutiquam vero primo illius libri conditori tribuendi videantur. Quare nescio an nulla possit inveniri materia, quae tractetur, dignior et ad id quod mihi proposui demonstrandum aptior. Disseram igitur de libri *Odyssaeae* undecimi versibus supposititiis, quibus examinatis illum librum singulare aliquando carmen constituisse demonstrabo; pauca denique de hujus carminis patria proferam.

CAP. I.

DE ELPENORE NARRATIO EXAMINATUR (v. 51-83).

Ἐλπινόρ, πῶ, ἦλθε σὺ πρὸ γέφου ἡμίστερα;
v. 57.

§. 1.

Fabula, quae de Ulixis erroribus composita est, id mihi spectare videtur, ut inaginem praebeat hominis, qui multa variaque pericula, quae ei, quominus finem appetitum consequatur, objiciantur, omnium et animi et corporis virium contentione aut vitare aut propulsare conetur. Sive enim fabula illa desiderium patriae sive humani ingenii calliditatem et fortitudinem sive hominis erga uxorem filiumque amorem sive aliam quandam virtutem celebrari existimamus: id facile intelligitur, pericula illa eo Ulixi consilio opposita esse, ut eum aut vi suppressere ac perdere aut, ut patriae, Penelopae, reditus obliviscatur,^{17*}) voluptatibus irretire studeant. Itaque ad prius periculorum genus ea referenda sunt mala, quae Ulixes apud Cicones, Laestrygones, Polyphemum interque Scyllam et Charybdis subit; posterioris autem generis sollicitationes sunt eae, quae a Lotophagis, Circa, Sire-

^{17*)} cf. IX, 94 sqq. X, 236. IX, 29 sqq.

nibus, Calypsone et Nausicaa Phaeacibusque imminent. Jam vero cum maxime animus noster iis rebus permoveatur, quae venustatis aliquam et divinitatis speciem prae se ferant cumque maxima nobis ut iis resistamus opus sit vi animique constantia: Ulixem, periculis vi cum impugnantibus superatis, antequam sollicitationes illas captiosas atque illecebras sub exitu errorum collocatas subiret, ad inferos descendentem poeta facit, ut ab omni heros infirmitate liberetur, et hoc opere ex Herculis sententia ¹⁵⁾ maximo absoluto contra omnia quae sequantur pericula firmissimus evadat, neve omnem in patriam, ad quam frustra tam diu appellere conatus sit, redeundi spem abjiciat ¹⁶⁾.

Totus enim Orci habitus cum tristis videretur, et a quo fugeretur dignissimus, cumque in hanc regionem Ulixem venire necesse esset, nisi omnium virium contentione contra ea pericula dimicaturus esset, quae huc eum ferre intenderent; facile est intellectu hanc certam minimeque jucundam spem Ulixis vires animique constantiam vehementer firmasse ac roborasse.

Idem quod Orcus efficiunt feminae, quae infirmae, atque ad inferos profectae Ulixi suadeant, ut semper fortis neve unquam virtutis et pugnandi immemor sit. Neque vero in sola fortitudine salutem positam esse, Achilles, Agamemnon, Ajax, alii ostendunt, qui quamvis fortes essent et maxime omnium corporis viribus excellerent, tamen morti succumbebant, quia prudentia animique versutia carebant.

Sed cum haec sit natura seminarum virorumque si uno eos aspectu contemplantur, restat, ut quid sibi velit unus-

¹⁵⁾ Od. XI, 623 sq.

¹⁶⁾ Omnino igitur Ulixes in Orcum descendit, ut id quod ad reditum opus esset sive consilium sive spem sive metum sive animi firmitatem inde auferret. Quod si quis poetice exprimere vult, ita debet describere, ut factum est: Ulixem in orcum descendisse, ut de reditu aliquem (h. l. Tiresiam) consuleret.

quisque eorum, quibuscum colloquatur Ulixes, breviter exponamus. Qua quidem in re singulorum sermonum naturam eandem esse videbimus, quam antea totius Orci, eorumque qui ibi commorarentur, intelleximus.

Tiresias enim Ulixem hortatur, ne Solis boves in insula Thrinacia violet. A quibus si et ipse abstinuisset, et socios revocasset, fore ut non solum in patriam redeat, sed etiam uxore divitiisque recuperatis longam et beatam vitam degat. Neque mehercle haec exspectatio parvi potest momenti ad Ulixis animum vel erigendum vel firmandum haberi.

Cum matre quae Ulixes colloquitur propterea ad eum corroborandum faciunt, quod uxoris fidem immutabilem cognoscens, et filii quem infantem relinquebat reminiscens magno patriae desiderio capi et ad ea libenter suscipienda excitari debebat, quae, ut finem propositum consequeretur, ei erant subeunda.

Eodem autem modo intelligenda sunt verba Agamemnonis, qui Penelopen cum Clytaemnestra comparans efficit, ut illius feminae praestantia luculentissime appareat. Temporis quoque spatium ab Agamemnone commemoratum, quod inter Telemachum intercedit modo natum et virorum numero adsedentem, hic locum habet, quod uxorem, quae fidem firmissimam tam diu servarit, praestantissimam reddat.

Quae vero postea Achilles dicit, ea Orcum ostendunt tristissimum atque prorsus indignum, qui cum miserrima vitae condicione, ne ipsa servitute quidem mutetur. Ex quibus Achillis verbis colligi potest, quanta rerum commutatio facta sit, cum is, qui sub Trojae muris summo Graecorum omnium duci, cujus a Jove imperium erat, cedere prorsus nolebat, in Orco longe alium, et quidem eum ostendat animum, ut non modo regis alicujus verum etiam infimi pauperisque viri servum esse majus aliquid et jucundius habeat, quam in idola mortuorum omnia dominari. Dein quod Agamemnon de Oreste et Achilles de Neoptolemo

filio percontabantur, id magno Ulixem Telemachi visendi desiderio afficere necesse erat.

Neque aliter, quam illa Achillis verba, ea interpretanda sunt, quae de Ajace narrantur, qui cum implacabilis et magna contra Ulixem invidia sit, hunc movet, ut omnibus viribus contendat, ne eum in locum propediem veniat, quo sibi una cum viro inimicissimo sit versandum.

Hercules denique, quasi prior Ulixes ²⁰), difficillimum laborum omnium, quos in vita suscepisset, eum fuisse dicit, quo sibi ut Cerberum ex Orco ferret demandatum fuisset. Jam vero Ulixes cum in eo esset, ut laborem ex Herculis sententia gravissimum perpetraret: magnam laetitiam et fiduciam inde percepit. Itaque factum est, ut, quoniam quae sequebantur pericula minora erant, et desiderium patriae maximum et animus contra omnes sollicitationes firmissimus ex hoc Ulixis in Orcum itinere emanarent.

Et haec quidem est libri nostri natura et compositio, quacum quam parum Elpenoris commemoratio conveniat, facile intelligitur. Quae, cum nihil in ea insit, quod ad reliquae Νεκυίας rationem possit referri ²¹), jure a nobis in dubitationem vocata, et ab homine assuta videtur, qui narrationis genuinae vim ne minime quidem perspiceret. An quisquam est, qui mecum dissentiat? Nemo profecto, nisi quis Klausenii sententiam amplectitur, qui Ulixem socii idolo certiores fieri, se apud inferos invenire atque videre eos, quos in vita reliquisset, opinatur ²²). Quod tantum abest, ut probem, ut idem ex matre, Achille, Agamemnone com-

²⁰) Schol. Q. ad v. 619: συνίστησιν αὐτὸς [Ὀδυσσ.] τῷ Φαίαξιν ἐδικαίμενος ὅτι τὰ ὅμοια Ἡρακλεῖ ὑπέστη εἰς Ἄιδου καταβάς. cf. Eustath. p. 1703, 35 et 55. Senec. de constantia. ep. 2. cf. infra not. 80.

²¹) Eadem est causa, quae v. 565-600 et v. 631 interpolatos esse demonstrat. Quae res haud parvum nostrae de Νεκυίας natura disputationi videtur adjumentum asferre.

²²) Die Abenteuer d. Odysseus aus Hesiod erklärt. Bonn 1834. p.43.

perire, omnino suis ipsius oculis Ulixem cernere potuisse arbitrer.

Sed alia eaque graviora contra istam de Elpenore narrationem argumenta narratio illa ipsa nobis suppeditat.

§. 2.

Cum proficisceretur Ulixes ad inferos eam potissimum ob causam, ut e Tiresia reditum percontaretur²³⁾: nescio an non Elpenoris cum Ulixē colloquium hunc itineris finem satis apte retardet. Neque vero licet poetae omnia, quae dici possunt, dicere, sed alia sunt commemoranda, alia, quibus minus oblectamur, reticenda. Quare Elpenoris quoque preces omnino non commemorandas fuisse censeo, qui ab Homero ipso dicatur X, 552 sq.:

νεώτατος οὐδὲ τι λῆν
ἀλκιμος ἐν πολέμῳ οὔτε φρεσὶν ἦτιν ἀρηρώε.

Huc accedit, quod versus illi ita possunt praetermitti, ut ne minima quidem intercapedo fiat. Neque profecto qui accuratius illos versus consideraverit, ipsorum patrociniū suscipiet, cum ita sint formati, ut Homeri ingenio prorsus indigni videantur.

Versus enim quinquagesimus et qui eum sequitur causam afferunt, cur insepultus Elpenor relictus fuerit. Sciebat ergo Ulixes Elpenorem perisse, et sine dubio eum sepulturus erat, nisi tempus defuisset. Nam res, quas Circe deinandaverat, Ulixi tam graves tanque magui momenti videbantur, ut ad eas perficendas properaret neque mortem socii humilis atque exigui causam haberet satis dignam, qua commotus iter in Orcum differret. Quomodo autem haec cum sequentibus verbis conveniunt, quibus Ulixes ex Elpenore quaerit, quo factum sit, ut advenerit? Sed dicat aliquis Ulixem Elpenoris mortem propter multa et gravia negotia non

²³⁾ cf. v. 32. 50. 89. 164 sq.

animadvertisse ²⁴⁾). Atqui quomodo verba κατελείπομεν ἡμεῖς iste explicabit (v. 53.)? Nonne Ulixes ducem sese levem ac negligentem prae buisset, si, utrum unus ex sociis adesset necne, non observasset? At summo opere eorum salutis toto itinere consulebat! Num hic alium Ulixem esse opinaris? Ergo Ulixem Elpenoris mortem non animadvertisse nullo modo statuendum est.

Quapropter Ulixem non quaerere quo factum sit, ut comes mortuus sit, sed qui, ut nave etiam celerius advenerit, arbitrari mur. Quae quidem interpretatio non probabilior reddet sententiam. Facile enim, quod illa Ulixis interrogatio responsum desideret, comprehenditur. Dicere enim Elpenor debebat, animam a corpore disjunctam tanta uti velocitate, ut nave etiam celerius ire possit. At quid dicit homo ineptus? Nempe se vino obcaecatum de tecto delapsum esse et collum fregisse! Ex quo responso Elpenorem Ulixis verba sic intellexisse apparet, ut, quomodo ad inferos venerit h. e. utrum et quo casu mortuus sit, hunc quaerere putet. Sed, quominus ita accipiatur interrogatio, obstat versus quinquagesimus octavus, qui versum antecedentem explicat, et sententiae ita intellectae perversitas, quoniam socium mortuum esse Ulixes sciebat.

Quocunque vero modo illum locum explicaverimus, erit semper in eo aliquid, quod nos offendant, et ne tum quidem tollatur, cum versum quinquagesimum octavum subdititium judicaverimus ²⁵⁾). Quod quominus facias, haec ob stare videntur. Quanta enim inter versus 154 sq. et nostros similitudo intercedat cum consideraveris, alterum locum ad alterius formam quasi coagmentatum esse negare non poteris. Quid est enim nobis reliquum, nisi ut Ulixis verba, quo-

²⁴⁾ Quod contendit Nitzsch. Anmerk. z. Od. Vol. III. p. 200.

²⁵⁾ Cum Nitzsch. l. l. Vol. III. p. 201. — Callistratus (ap. Schol. Q. ad v. 52) versum 52 ejiciendum censet. At ne sic quidem oratio aptius procedit.

niam ea, quae sunt matris, deleri nequeunt, e pravo imitandi studio orta esse existimemus?

Jam ad ea nos convertamus, quae in sequentibus versibus contra communem Homeri usum dicta videantur. Neque vero appositionem οὐ παρόντων (v. 66) dico, quae, verba τῶν ὀπιθεν explicans, mirifice languet; neque singularem verborum ἐν μούνην ἐν μεγάροις ἐλείπεις (v. 68) usum, quae num possint significare: quem unicum filium reliquisti, filii notione non antegressa ²⁶), valde dubito; neque praepositionem ante τῶν ὀπιθεν (v. 66) omissam ²⁷): sententiam dico versus septuagesimi tertii:

μή μ' ἀκλυστον, ἄστατον, ἰὼν ὀπιθεν καταλείπειν
νοστήσεις, μή τοι τι θεῶν μήνυμα γένηται ²⁸).

quam unicam apud Homerum esse arbitror, qua dii, quod mortuorum corpora non sepeliverit, alicui irasci dicantur. Quae ira, quamquam causa ejus aliqua potest excogitari, Homero non est nota, neque unquam nisi hoc loco commemoratur. Nam ubicunque de his rebus verba fiunt, aliquem insepultum relictum esse dii ne minime quidem curant. Quod si fuisset, grave sane tulissent, quod Achilles tot dedisset Trojanos avibus canibusque devorandos. Est enim a nostro loco longe diversa ejus natura, quem nobis aliquis objecerit ex Il. XXII, 358 sqq.:

φράζεο νῦν, μή τοι τι θεῶν μήνυμα γένηται
ἥματι τῷ, ὅτε κέν σε Πάρις καὶ Φαίβοις Ἀπόλλων
ἔσθλ' ἰόντ' ὀλέστωεν ἐν Σκαιῇ πύλῃ.

Hoc enim loco deorum ira non inde derivatur, quod Achilles noluerit Hectorem sepelire, sed quod virum diis carissimum interfecerit, et indigna ejus corpus injuria se

²⁶) cf. Od. XVI, 118 sqq.

²⁷) cf. Nitzsch. l. l. Vol. I. p. 77.

²⁸) cf. Il. XXII, 358. unde versus nostri sine dubio orti sunt. cf. Nitzsch. l. l. Vol. III. p. 201 sqq.

affecturum esse promiserit. Dein quis neget magnum aliquod discrimen intercedere inter Hectorem et Elpenorem? Ille enim vir fuit Trojanorum omnium fortissimus, hic homo timidus et angusti animi; ille filius regis, hic obscuro loco natus; ille diis carissimus, hic homo perexiguus, quem inse-pultum dii sine dubio neglexissent.

Neque silentio praetereunda sunt verba:

αἶδα γάρ, ὡς ἐνὶ νῆϊ κίων δόμου ἐξ Ἀΐδας
νῆπτον ἐς Αἰαίην τ' ἔχ' ἑταίρ' εὐεργέτα νῆα. v. 69 sq.

Nam cum Circa iter illud ad inferos et ad se reditum cum Ulixē solo communicasset, Ulixēs vero, quae ex dea audiverat, tum demum sociis patefaceret, cum ad navem con-scendendam proficiscerentur: nescio unde Elpenor, qui prius-quam comites horribile Circae mandatum comperissent, mor-tuus erat, Ulixem ad Circam rediturum esse sciat. Eusta-thius quidem Elpenorem *μαντικῶς* loqui existimat²⁹⁾; sed neque huic possum consentire, neque Nitzschio, qui „αἶδα, inquit, hat öfters den Sinn einer zwar starken, aber immer nur subjectiven Überzeugung, eines festen Glaubens.“³⁰⁾ Nam qui tres ab eo afferuntur loci ad sententiam suam comprobandam, ii longe aliter sese habent. Opinioni enim eorum, qui illis locis verbum αἶδα adhibent, justae accedunt causae, quibus, ut pro ipsa veritate opinionem haberent, commoveri poterant. Eurylochus, qui domum Circae ag-gressus ipse amicos in sues commutatos vidisset, sibi et Ulixi omnibusque, qui ad deam illam venirent, eandem quam sociis mutatis sortem esse accessuram jure existimabat (Od. X, 266 sqq.). Eumaeus, quo coram Ulixēs quaedam de se ipso erat fabulatus, dominum rediturum esse jure negabat, quod decem post Trojam captam annos nihil de eo unquam au-divisset, et unius cujusque de eo narrationis fidem et tem-

²⁹⁾ p. 1672 s. f. ed. Rom.

³⁰⁾ l. l. Vol. III. p. 201.

pus et ipse orationis habitus sustulisset (Od. XIV, 363 sqq.). Agamemnon denique summo jure dicere poterat (Il. IV, 163 sqq.) se scire, fore ut Troja interiret, quippe quod Paris et Trojani nefarium adjuvantes jura a diis sancita foedissime laesissent. Tantum vero abest, ut causa inveniatur, qua commotus aliquam Elpenor de Ulixis ad Circam reditu existimationem habere potuerit, ut Ulixem Circae iusula praeternavigata quam brevissima via patriam esse petiturum verisimile videri debuerit.

Dein quid dicam, quod Elpenor petit ab Ulixē, ut sibi tumultum ponat, et, quod vivus eum sociis remigarit, remum in eo colloget? Num mos erat Graecorum cuiquam vel infimo viro tumultum ponendi? Quod petitum altero etiam superatur, quod tam ridiculum est atque ineptum, ut rhapsodum magis quam Homerum sapiat ¹⁴).

His vero ab Elpenore dictis quale responsum probabile est Ulixem dedisse? Longe aliud profecto atque id, quod versu octogesimo continetur. Dicit enim brevius et nimis abrupte:

ταῦτά τοι, ὦ δούττην, τελευτήσω τε καὶ ἔρξω.

Quod ideo ab Ulixē factum videtur, ut quam celerrime inutilem illum hominem dimittat. Sed clarum est, eum, qui hos versus fecerit, recte sensisse, pro gravitate narrationis fere majus spatium esse consumptum. Itaque properat, ut ad id ipsum, quod nervus est Νεκυίας et summa, veniat.

Sunt autem non minus reprehendenda ea verba, quibus multa Elpenor et Ulixes praeterea collocuti dicuntur. Nihil enim nostra interest, utrum homunculus ille loquatur necne; immo longum ipsius colloquium molestum Ulixi esse debebat, quem majore cum Tiresia colloquendi desiderio captum fuisse verisimile sit, quam qui hunc praecipuum iti-

¹⁴) cf. Eustath. p. 1673. init.

neris tam horribilis finem inutili cum levi homine et longo sermone differret.

Jam vero id quaeso consideres, quomodo tota de Elpenore narratio sit formata. Qua in re effugere te non poterit, initium hujus narrationis ita esse institutum, ut primis verbis historiae subsequentis, quae est de matre, conveniret:

v. 51. πρώτη δὲ ψυχὴ Ἑλ.πηνόροσος ἦλθεν ἑταίρου.

v. 84. ἦλθε δ' ἐπὶ ψυχὴ μητρὸς κατατεθνηυίας.

Simili quadam ratione diasceusta in fine conformando finem videtur historiae antecedentis respexisse:

v. 48. αὐτὰρ ἐγὼ ξίφος δέξω ἱερυστάμενος παρὰ μηροῦ
ἦμην, οὐδ' εἶων νεκῶν ἀμεινυὰ κάρηνα
αἶμαίτος ἄττον ἴμεν.

v. 81. νῶϊ μὲν ὡς ἐπέεσσιν ἀμειβομένῳ στυγερῶσιν
ἦμεθ'· ἐγὼ μὲν ἀνέυθην ἐφ' αἶματι φάσγανον ἔτλυν.

Neque parvum inde colligo interpolationis argumentum. Sarpenumero enim eodem, quo nostro loco, modo versus videmus suppositos, quia ii, qui illos versus genuinis immiscebant, in ea versabantur opinione, ut, si iisdem fere verbis suum poema et inchoarent et finirent, quibus et versus subsequentes inchoati et antecedentes finiti essent, oratio sine intercapedine procederet ³²).

Singulos autem versus, quibus illa de Elpenore narratio constat, undecunque collectos et quasi corrasos esse haec tabula monstrabit:

v. 51. = v. 84. 90.

55. = v. 87. } v. 395 sq.

56. =

³²) Simili modo interpositi sunt versus hujus libri ii, qui Atticas heroínas complectuntur, v. 320 = 325 (dat. λάχνη = dat. μαρτυρήσῃ), v. 321 = 326. cf. Il. II, 546-556. Nitzsch. l. l. Vol. III. p. 31. 304. Lachmann. Abhdl. d. Berl. Akad. 1837. p. 159. 179. Hermann. de interpol. Hom. p. 17. (Opusc. Vol. V. p. 68.)

57. =
 58. = cf. v. 159. } v. 155 sq.
 59. = IX, 506.
 60. = v. 92. 405. 473. 617. al. al.
 63. =
 64. = } X, 558 sqq.
 65. =
 66. = II. XV, 665.
 67. = I, 435.
 72. = II. XXIII, 386.
 73. = II. XXIII, 358.
 76. = III, 204. XXI, 255, XXIV, 433.
 77. = XII, 15.
 79. = v. 138. 163. 435. 462. 477. 504.
 81. = v. 465. cf. v. 225.
 82. = cf. v. 48 sq.
 83. = cf. XXI, 368. XXII, 211.

§. 3.

Quibus expositis quaeramus, num Elpenor omnino talis, qualis his versibus describitur, describi potuerit? Etenim cum Elpenorem necesse sit aut in Orco versari aut non versari, explorandum videtur, quid poeta voluerit, deinde quid si illam, quid si hanc explicationem sequamur, statuendum sit.

Ac primum hoc apertum est, ex ipsa narratione, quid poeta voluerit, non satis constare. Nonnulli ³³⁾ enim ex versibus tricesimo sexto et septimo recte sibi collegisse videntur, Elpenorem in Orco cum ceteris animis versari. Neque id a sententia sua confirmanda alienum putarunt, quod Elpenor ne uno quidem verbo, ut Ulixem eo magis ad preces suas exsequendas commoveret, se propter ἀταφίαν non

³³⁾ Ut Lange in Seebod. Neue krit. Biblioth. 1826. p. 1106.

posse in Orcum introire commemorasset. Alii autem iidemque plurimi veterum interpretum auctoritatem secuti sunt, qui Elpenorem propter ἀταφίαν ad limen stare Orci existimabant³⁴⁾. At priorem hujus loci explicationem ferri omnino non posse apparet. Nam cum mortuis ad νέον recuperandum sanguine opus esset (cf. v. 98. 147 sq. 152 sqq. 228 sqq. 390. X, 536 sq.), jure miraremur Elpenorem cum Ulixē collocutum esse, etsi sanguinem non bibisset.

Videamus igitur, quid sit si grammaticorum sententiam sequamur. Qui quidem recte nostrum locum intellexisse videntur, cum a poeta Elpenorem ita, ut ante Orcum propter ἀταφίαν vagaretur, descriptum esse existimarent. Sed tamen ita narratio nullo pacto potuit institui, ut quae cum reliqua Homeri de mortuis opinione minime conveniat. Nam in Iliade, cum tota sit bellicosa, saepenumero de mortuis dicitur, neque vero unquam homines insepulti introire in Orcum et commisceri cum aliis negantur; immo animae statim simul e corpore excessissent in Orci regiones coetumque inferorum venire ubique dicuntur. Il. VI, 422: οἱ μὲν πάντες ἰὼ κίον ἤματι Ἄϊδος εἴσω. — Il. XI, 441 sqq., Ulixes Socum allocutus dicit: ἐμῷ δ' ὑπὸ δουρὶ θαμείντα εὖχες ἐμοὶ δώσω, ψυχὴν δ' Ἄϊδι κλυτοπόλῳ. At si e sepultura introitum in Orcum pendere poeta credidisset, quomodo Ulixes paullo post dicere potuit v. 452 sqq.:

ἄ δεῖλ', οὐ μὲν σοίγῃ πατὴρ καὶ πότνια μήτηρ
 ὅττι καὶ θανέουσιν θανόντι περ, ἀλλ' οἶνον
 ὠμῆσται ἐρύουσι, περὶ πτερὰ πικρὰ βιάδοντες.

Nam cujus corpus aves devorarunt, nonne apparet eum nunquam posse in Orcum venire? Neque omnino quisquam de Achille dixisset Il. I, 3 sqq:

³⁴⁾ cf. Plutarch. Sympos. IX. quaest. V, 3: τῶν Ὀμηρικῶν ψυχῶν ὄσας ἐν νεκυίᾳ κατωτόμακον ἢ μὲν Ἑλπίτορος οὕτω καταμεμνημένη ταῖς ἐν ἔθου διὰ τὸ μὴ τετάφθαι τὸν νεκρὸν ὥσπερ ἐν μελοίοις πλανᾷται. cf. Schol. Vulg. ad v. 51. Schol. B. Q. et Vulg. ibid. Schol. Vulg. ad XXIV, 1. —

πολλὰς δ' ἰφθίμους ψυχὰς Ἄϊδι προΐαψεν
ἡρώων, αὐτοὺς δὲ ἐλώρια τεύχεα κύνεσσιν
οἰωνοῦσι τε παῖσιν.

si in corporibus vel concremandis vel sepeliendis animarum in Orcum introitus positus fuisset. Hector ab Achille interfectus in Orcum ivisse dicitur, neque quidquam refert novem dies illius viri corpus neque sepultum neque concrematum a feminis Trojanis deplorari.

Qui vero locus Il. XI, 262 sq. verbis

ἔνθ' Ἀντήνορος υἱες, ὑπ' Ἀτρεΐδῃ βασιλῆϊ
πότμον ἀναπλήσαντες, ἔδυν δόμον Ἀΐδος εἴσω.

potest significatus esse, nisi is, ubi inferi versantur? cf. Od. XI, 150 et 627. — Il. XXIII, 19 et 179 Achilles χαῖρέ μοι, inquit, ὦ Πάτροκλε, καὶ εἰν Ἀΐδαο δέμοισιν: quibus verbis amicū, cujus corpus nondum sepultum erat, jam in ipso Orco inesse prodit. Quod si quis negarit, is quaeso consideret Il. XXIV, 593 ubi Achilles iisdem fere, quibus antea, verbis utitur:

Μή μοι, Πάτροκλε, σκυδαινέμεν, αἶ κε πύθῃαι
εἰν Ἀΐδος περ ἐών, ὅτι Ἑκτορα δῖον ἔλυσα.

Cum enim haec verba dicerentur, Patroclus sepultus erat. Ex quo loco facile aliquis collegerit, ubicunque verba εἰν Ἀΐδος in ipso Orco habitationem atque cum ceteris animis societatem significare. Quod etiam probabilius fit eo loco, qui est Il. XXII, 389 sq.:

εἰ δὲ θανόντων περ καταλήθοντ' εἰν Ἀΐδαο,
αὐτὰρ ἐγὼ καὶ κεῖθε φίλου μεμνήσομ' ἐταίρου.

Est enim haud dubium, quin is significetur status, quem gerentes in optima condicione versari existimabantur. cf. Il. XXIII, 103 sq.

Ergo ex Homeri sententia mortuorum animae sine ullo impedimento et proficiscuntur ad Orcum, et in societatem inferorum veniunt.

Jam vero si quaerimus, qui loci possint ad sententiam, quae nostae contraria est, evincendam adhiberi, unus tantummodo est isque ita comparatus, ut aevo recentiore eum vel ortum esse vel conversum statim intelligatur ³⁵). Locus ille hic est:

εὐδεις, ἀντάρ ἱμεῖο λαλατῶντος ἔπλεν, Ἀχιλλεῦ;
οὐ μὲν μεν ζῶντος ἀκήδεις, ἀλλὰ θανόντος·
θάπτε με ὅττι τάχιστα, πύλας Ἀΐδου περὶ στα.
τῆλέ με εἰργουσι ψυχὰς, εἰδυῖα καμόντων,
οὐδέ μὲ πω μίτγεται ὑπὲρ ποταμοῖο ἑῶν·
ἀλλ' αὐτως ἀλᾶλχμαι ἂν' εὐρυπυλῆς Ἀΐδος δῶ.

Il. XXIII, 69 (cf. 137).

Haec verba, quibus Patrocli anima ex Orco redux Achillem alloquitur, num genuina sint, valde dubito. Homericæ enim ætati, si mortuos redire ad superos hisque apparere posse credidisset, quidni manium quoque evocatio cognita fuerit equidem non video. Atqui cum psychomantiorum maniumque evocationis memoria Homero sit recentior, cui si illa ars cognita fuisset ³⁶) Ulixem ad inferos deduci non opus fuisset: fieri non potest, quin Patroclum miremur, qui ex Orco redux ab Achille sepulturam precatur, ne propter corpus insepultum ante Orci portas cogatur vagari.

Dein qui est ille ποταμός, a quo transeundo animæ dicantur Patroclum prohibuisse? Heyneus quidem Oceanum intelligit ³⁷); at cum Elpenor nulla re, quominus transgrederetur Oceanum, prohiberetur ³⁸), Patroclus quoque existimandus est Oceano non impeditus fuisse a ceterarum umbrarum congregatione. Nam Patroclo cur non idem, quod

³⁵) cf. Langeum l. l. p. 1106 sqq.

³⁶) cf. Lobeck. Aglaopham. Regimont. 1829. p. 316. Nitzsch. l. l. Vol. III. p. 164 sqq.

³⁷) Homeri Ilias ed. Heyne. Tom. VIII. p. 370.

³⁸) cf. Voelcker, Homerische Geographie. Hannover. 1830. p. 143 sqq.

Elpenori, licuerit equidem non video. Quare cum iis facio, qui illo flumine aut Stygem aut Acherontem aut Cocytum significari putant. Haec vero flumina cum e posterioris quam Homerici aevi sententia³⁹⁾, priusquam animae suum in receptaculum venirent, transeunda existimarentur: sententiam versibus Il. XXIII, 69 sqq. relata ab Homeri aevo alienissimam, sive illam Iliadis partem reliquis recentiorem habeo.

Denique quod Patroclum animae, ne in Orcum ipsum veniat, propulsasse dicuntur, id satis mirum est. Etsi enim percipi facile potest, qui, ut corporum sepultura tanti aestimaretur, factum sit: id tamen permultum abest ab opinione ea, qua anima in Orco versautes corpore insepulto offendi credebantur. Haec enim opinio longius, quam quae cum ceteris Homericæ aetatis moribus conveniat, repetita, neque exstitisse nisi eo tempore videtur, quo Graeci in eo erant, ut de Orco opinionem, quoad fieri potuit, accuratius excolerent et Charontem inferos transvehentem statuerent.

Quomodocunque vero haec res sese habet, id saltem intelligitur tantum discrimen inter illam de Patroclo eamque, de qua disputamus, enarrationem intercedere, altera ut ad alteram tuendam atque defendendam in medium proferri nequeat.

Iis igitur omnibus, quae hactenus disputata sunt, consideratis, non dubitabimus, quin versus 51-83 diasceuaestae esse censeamus. Cujus interpolationis quae fuerit causa, non est, cur longius perquiratur. Quamquam enim probabile est, Elpenoris cum Ulixæ colloquium deberi homini, cui, quod heros cum matre, Agamemnone, Achille, Hercule aliis colloqueretur, necessarius quodammodo ille sermo videbatur et ab auditoribus expectatus⁴⁰⁾: tamen non magis hanc

³⁹⁾ cf. Nitzsch. l. l. Vol. III. p. 214.

⁴⁰⁾ Quod sane tum demum fieri poterat, cum *Nekuia* singulare aliquod carmen constituere desineret et cum libro decimo duodecimoque conjuncta esset. cf. Cap. IV.

fecerim opinionem, cum et multae possint aliae interpolati-
onis nostrae origines excogitari, et locum aliquem ineptum
neque ulla ratione cum natura atque indole poematis conve-
nientem cognovisse omnino sufficere videatur.

CAP. II.

DE HERCULE LOCUS (v. 601-626) DEFENDITUR.

Υέσσηται ἢ Ἰνκεον ἑρῶ; κλέπτει δὲ με Σουῆρ.
Od. IV, 140.

§. 1.

Quae supra ⁴¹⁾ de Νεκυίας natura atque compositione
a me disputata sunt, ea a quibusdam video improbari. Sunt
enim qui in Odyssea inesse quidem rationem aliquam atque
cogitationem confiteantur, attamen hanc esse eam, quam ipse
exposuerim, negent. Cujus rei argumenta inde potissimum re-
petunt, quod sententiam meam magna ex parte eo loco niti
dicant, qui Herculis cum Ulixē colloquium contineat. Atqui
cum totum hunc locum interpolatum esse constet, firma-
mentum sententiae meae de libri undecimi natura atque com-
positione prolatae maximum ac gravissimum labefactari.

Quod si ita sese haberet, nihil profecto mihi reliquum
esset, nisi ut, quac illa de re supra proposui, ea jam rescin-
derem. Sed tantum abest, ut tale quid mihi subeundum
esse putem, ut Herculis commemorationem ab ipso nostrae
rhapsodiae auctore profectam esse existimem. Cujus sen-
tentiae argumenta hoc capite secundo sum persecuturus.
Herculem vero tueri cum per se jucundum est, tum mihi
exoptatum, quod hoc mihi munere facultas offertur partes

⁴¹⁾ p. 10 sqq.

agendi λυτικός, cum capite superiore ἐνστατικός me prae-buerim.

Quamvis autem ipsa antiquitas hanc Herculis apud inferos versantis commemorationem Homcri esse negaverit, non magui tamen grammaticorum veterum argumenta habita sunt nisi nostris temporibus, quibus non solum enucleata sunt, verum etiam novis quibusdam amplificata. Argumenta grammaticorum haec sunt:

1. πῶς Ἡρακλῆς ἐνταῦθα μένων θεός;
2. πῶς οἶοντε τὸν αὐτὸν εἶναι καὶ ἐν ᾄδου καὶ ἐν οὐρανῷ;
3. ἡ Ἥβη καὶ Ὀμηρον παρθέτιος, ὅθεν καὶ οἶνοχοεῖ.
4. ἀπίσανον δὲ αὐτὸν ἔχειν καὶ τὴν σμενῆν.
5. μὴ πινὼν δὲ πῶς ἐμίλει; ⁴²⁾

Quibus accedunt nova quaedam B. Thierschii ⁴³⁾ et Nitzschii ⁴⁴⁾, ita ut qui obloqui conetur cum nimis temerarium videri necesse sit. Quod iudicium, etiamsi in eo sim, ut mihi concitem, tamen me non impedit, quominus ad Herculem defendendum accedam. Nam me recreat ac reficit cum virorum quorundam ⁴⁵⁾ mecum convenientia, tum copia argumentorum, quae illis et veterum et recentiorum critico-rum argumentis haud inferiora esse videntur.

Magnopere autem adversariorum conatus me infracturum spero, cum versus 602, 603 et 604 interpositos esse

⁴²⁾ Schol. Vulg. ad v. 385. cf. Schol. Q. ad v. 601. (ubi pro ἀποτελευτασμένον leg. ἀποτελευτασμένοιον) Schol. Venet. II. XVIII, 117. IV, 2. V, 905.

⁴³⁾ Urgestalt des Odyssee. Königsberg. 1821. p. 72-74.

⁴⁴⁾ I. I. Vol. III. p. 335 sqq.

⁴⁵⁾ Ut Buttmann, Mythologus. Berlin 1829. Vol. I. p. 266 sqq. II. Vofs, in J. H. Vossii patris libro Kritische Blätter. Vol. II. p. 427-451. Voelcker, Ueber die Bedeutung von ψυχή u. εἶδωλον. Gießen. 1825. s. fin. Ad. Hermann. de undecima Odysseae rhapsodia. Götting. 1833. p. 6. 20. 22. cf. quos citat Bode de Orpheo. Götting. 1824. p. 155.

profitear. Recte enim Nitzschius ⁴⁶⁾ contendisse mihi videtur, verba Scholiastae Harlejani: τοῦτον ὑπὸ Ὀνομακρίτου ⁴⁷⁾ πεποιησθαι φασιν, non tam ad v. 604 cum Porsono ⁴⁸⁾, quam ad vv. 602-604 esse referenda. Quod si ita est, multo liberius possum respirare, cum et multa hac mea concessione sint argumenta remota et grammaticorum veterum auctoritas parum mihi adversetur. Nam quae eorum proferuntur rationes, quibus commoti totum de Hercule locum παρεμβεβλημένον censuerint, eae maxime in versuum 602-604 perversitate positae sunt, neque quemquam, si versus isti tres abfuis-
sent, Herculis decriptione offensum fuisse arbitror ⁴⁹⁾. Nullo enim modo codicis alicujus auctoritate inducti in suam sententiam discessisse putandi sunt veteres illi grammatici, qui vv. 601-627 ab Homero abjudicaverunt; aliquam saltem hujus argumenti gravissimam memoriam scholia servassent. Immo grammaticos talibus in loco aliquo improbando argumentis uti prorsus non potuisse inde comprehenditur, quod omnes quotquot erant Homericorum carminum codices probabile est e Pisistrati recensione emanasse ⁵⁰⁾.

Satis igitur defendisse Herculem nobis videbimur, si criticorum veterum recentiorumque argumenta refutaverimus; neque tamen in eo consistemus, sed alia proferre argumenta conabimur, quibus positive, quod dicimus, Herculis commemorationem germanam esse demonstretur.

⁴⁶⁾ I. I. Vol. III. p. 335 sq.

⁴⁷⁾ Nomen Onomacriti non valde premendum videtur. Onomacrito enim, quem et Musaei oracula interpolasse (Herod. VII, 6) et Homeri carminibus colligendis scirent interfuisse (cf. Ritschl. libros not. 8. laud.) admodum verisimile est versus 602 sqq. tributos esse de conjectura. cf. infra.

⁴⁸⁾ Ad Euripid. Orest. v. 5. Porsonum sequitur Buttmannus in ed. scholl.

⁴⁹⁾ cf. Schol. ad. v. 385. Nitzsch. I. I. Vol. III. p. 335. 308.

⁵⁰⁾ cf. Lachmann. I. I. Commentat. II. init. Giese Ueber den aeolischen Dialekt. Berlin 1837. p. 163 sqq. Hoc tantum modo ap-

Primum igitur veterum grammaticorum rejicere conabor argumenta, quorum, cum versus 602-604 jam amovendos dederim, duo tantummodo restant, quippe quae posita sint in Hercule armato et cum Ulixē, licet sanguinem non bibisset, colloquente.

Quod dicunt, Herculem, cum sit εἰδωλόν (sive ψυχὴ), arma omnino ferre non posse, id non difficile mihi videtur ad refellendum. Putarunt enim animas in Orco versantes tam similes esse aëri⁵¹⁾, ut non satis intelligeretur, quomodo posset tale corpus aëreum et arcus et loricae ponderi resistere, et si posset, hanc totam effigiem Homeri de mortuorum animis sententiae adversari⁵²⁾. Quae dubitatio accurata Homericorum carminum consideratione refutatur. Nam recte nonnulli⁵³⁾ vitam in Orco ex Homeri sententia degi eodem, quo in terra, modo contendisse videntur. „Animae enim non solum statura, vultu, voce, immo et vestitu (Il. Ψ, 65 sqq.)⁵⁴⁾ et armis et vulneribus⁵⁵⁾ corpori similes sunt, ita ut facile ab Ulixē agnoscantur; sed eandem quoque na-

paret, qui factum sit ut nusquam Pisistrateum exemplar commemoretur. Neque omnes codices erant Pisistratei. cf. Ritschl, Ueber die Alexand. Bibl. p. 58 sqq. Non mihi adversantur Schol. Il. XVIII, 39 sqq. XVII, 133, quorum verba aliter intelligenda sint.

⁵¹⁾ cf. v. 204 sqq. Schol. Ven. Il. XXIII, 449. Eustath. p. 1672. med.

⁵²⁾ De alia hoc grammaticorum argumentum intelligendi ratione cf. p. 31.

⁵³⁾ v. c. Il. Vossius l. l. Voelcker. l. l. (cf. not. 45) Halbkart. Psychologia Homeri. Züllich. 1796., cuius verba jam descripturus sum.

⁵⁴⁾ cf. p. 31.

⁵⁵⁾ cf. Od. XI, 40 sqq. cuius loci integritatem ne Nitzschii quidem demonstratio (l. l. Vol. III. p. 135 sq.) suspectam reddit. cf. Voelcker. l. l. p. 20. Dugas-Montbel. observations sur l'Odyssée. ad vv. l. l. Neque Bothe neque Payne-Knight hos versus ut adulterinos designarunt. cf. Barnesium ad v. 38. et infra.

turam atque indolem, quam in corpore habuerant, et illic retineant: irascuntur enim ⁵⁶), laetantur (Od. XI, 538 sqq.), certiores fieri cupiunt de familiaribus suis (ibid. 492 sqq.), eadem, quorum tractatio in vita placuerat, etiam in Orco diligunt. Ajax e. c. cum in illo certamine, quod propter Achillis arma inierat cum Ulixē, victus esset, tantam ad iram exarserat, ut ne in Orco quidem vel loqui cum illo sustineret (ibid. 563 sq.). Tiresias porro, vates ille Thebanus, cum in vita vaticinandi artem exercuisset, eandem, favente ei prae ceteris Proserpina, et in Orco retinuit (Od. X, 493 sqq.). Ordinis quoque ac dignitatis rationem haberi apud inferos, videri licet tum ex Tiresiae exemplo, tum ex sermone Ulixis, quo admonet Achillem, ne moleste ferat obitum, cum, ut in vita honore floruerit, ita nunc quoque principatum inter animas obtineat (Od. XI, 484 sqq.). Cum igitur Homericæ ætatis Græci in eo vitæ genere, quo in vivis uterentur, et apud iudæos se perrecturos putarent, fieri non poterat, quin multa, quæ in hac vita usui ipsis essent, etiam in illa usui sibi fore existimarent. Unde explicandus est ille, qui etiamnum obtinet in multis orientis partibus, mos, cremandi simul cum mortuo ea, quæ opus illi videbantur, ut sunt arma, equi, canes, et quæ sunt reliqua (Il. V, 172 sqq.). Ceterum haud difficile est perspicere, unde originem opinio illa duxerit: quippe cum primum homines, amore vitæ ducti, animas post mortem superstites fore credere cœpissent, illud quoque cogitabant, quid acturi essent in Orco, ac nullo apparente negotio nihil reliquum erat, nisi ut hujus vitæ occupationes et illic mansuras statuerent ⁵⁷).

Ergo constare videtur, Homerum de Orco opinionem habuisse eam, qua esset effigies vitæ in terra peractæ.

⁵⁶) Etiam lacrymas profundunt! cf. v. 391. 466.

⁵⁷) Halbkart. l. l. p. 101 sqq.

Quam opinionem accuratius expressam non esse neminem poterit offendere. Nam cum Homerus non Oreum, sed Ulixem in eo versantem atque cum animis colloquentem vellet describere, pauca tantum eademque generalia de Orco ipso debebat ex consilii sui ratione proferre. Deinde plura, etiamsi dicere voluisset, dicere omnino non potuit. Nam tota haec de vita post mortem degendâ opinio naturâ suâ vaga est neque certis quibusdam finibus circumscripta⁵⁵⁾.

Neque vero possunt ad sententiam meam redarguendam afferri Achillis verba, quibus Oreum tristissimum tradit atque prorsus indignum, qui cum miserrima vitae condicione mutetur (v. 488 sqq.). Ex quibus verbis quamvis magnum aliquod inter inferos et superos discrimen intercedere appareat, nullo tamen modo potest colligi, inferos in condicione versari ei prorsus dissimili, qua antea usi fuissent. Sicuti enim homo aliqui potest in statum aliquem venire priore pejorem: ita homines morte in talem deferri condicionem, qualis omnibus vitae condicionibus pejor esset, Graeci existimarunt⁵⁶⁾.

Quamquam igitur inferorum status non idem, qui antea fuerat, habebatur, tamen non potuit nisi sub hujus, qua fruimur, vitae forma cogitari. Quis est enim, qui sibi vitam aliquam fingere possit nisi ad hujus vitae rationem corpora, luce, aërem, solum, linguam, colores, alia sumpserit⁵⁷⁾? Videamus modo Christianos, quemadmodum sibi vitam aeternam fingant, neque meherele Graecos, qui summo vitae amore gauderent et aretissime cum natura essent conjuncti, Orcum effigiem vitae habuisse negabimus. Ostendant nobis

⁵⁵⁾ cf. Voelcker. *Homer. Geograph.* p. 153. Conr. Schwenck. in *Ephem. litter. Halens.* 1841. Octob. nr. 182. p. 235 sq.

⁵⁶⁾ cf. Il. IX, 312. Od. XI, 94. 156. 474 sqq. 618 sqq. XII, 21 sq. X, 496 sqq.

⁵⁷⁾ Voelcker. *Ueber die Bedeutung von ψυχή u. εἶδεναι* p. 19 sq.

adversarii populum aliquem, qui animas immortales esse erederit neque vero hanc sibi immortalitatem ad vitae, qua jam fruebantur, rationem finxerit.

Cum igitur Homerus in ea versetur opinione, ut animas post mortem in eadem esse, qua antea, etsi minus jucunda condicione existimet: non mirandum esse arbitror, quod Hereules arma gerat. Poetam enim, cum illam de Oreo sententiam conceiperet, non solum de animi affectionibus, quippe quae post mortem remanerent, sed etiam de permultis aliis rebus ad aptum corporis statum necessariis cogitasse apertum est. Locum quidem Iliadis (XXIII, 65 sqq.), ut vestitas in Oreo animas esse evincam, non adhibebo, cum et interpolatus ille locus videatur⁶¹⁾, et res, de qua disputetur, etiam aliis rationibus possit demonstrari. Quis est enim pulchri ac decori sensu tam exiguo instructus, ut Graecos sibi nudos inferos finxisse opinetur? Quid? Tiresiam nudum sceptroque ornatum qualem adspectum habere arbitraris? Sed nemo erit, qui de inferis tale quid contendat, neque Homerus quidquam hac de re locutus est, quod per se intelligatur.

Ergo si animae vestes, et Tiresias praeterea sceptrum, gerere possunt, cur Hereuli non lieuerit arma gerere?

Sed dixerit aliquis arma Hereulis nostro loco inepte commemorari, quod quamnam ad rem opus essent non intelligeretur? ita enim veterum verba grammaticorum esse accipienda: ἀπὸ βαρὺν δὲ αὐτὸν [Ἡρακλέα] ἔχειν καὶ τὴν σκευὴν⁶²⁾. Quod, quamquam falso prolatum est, non majorem nobis Hereulem tuendi difficultatem affert. Qua in re provocare ad id possem, quod modo demonstravi, Oreum esse vitae effigiem: sed alia ratione Herculem arma gerentem defendam. Nam ad usum aliquem arma Hereulem gerere non equidem

⁶¹⁾ cf. p. 23 sq.

⁶²⁾ cf. p. 23.

contenderim, quamvis facile possit usus eorum aliqui excogitari, neque vero inde consequitur, ut Hercules arma omnino non gerere debuerit. Nam cur habet Tiresias sceptrum? Respondent, quoniam vates sit. Ergo Hercules arma gerit, quoniam Hercules est. Sicuti enim vates fere animo fingi non potuit, nisi cum sceptro ⁶³⁾ ita Hercules sine armis non fuisset Hercules, qui, cum per totam vitam inde a prima pueritia usque ad mortem contra varii generis pericula dimicasset, tantopere conjunctus esse cum armis et quasi concrevisse videbatur, ut nemo posset ejus notionem in animo informare, quin armis eum instructum sibi fingeret. Quare, quod modo dixi, Herculem armis nudatum nullum esse, id mihi jam repetendum est. Neque profecto quisquam haerebit in verbis *χρύσεος ἦν τελαμῶν* (v. 610), cum et ipsum Tiresiae sceptrum *χρύσειον* dicatur. Quod Nitzschius dicit ⁶⁴⁾, nos artificii descriptione laudeque ad supernas regiones revocari, id nullius momenti esse arbitror ad Herculis commemorationem in suspicionem vocandam. Nam si Hercules arma gerit (atque haec cum gerere posse modo demonstravi) quidni poetae licuerit arma describere? quis taudem arma formam faciemque habuisse neget? praesertim cum arma non apud inferos Herculem accepisse, sed ex vita secum asportasse probabile sit.

Jam vero ad alterum Alexandrinorum, quos vocant, argumentum transeamus refutandum, quo Herculem cum Ulixē, etiamsi sanguinem non bibisset, colloquentem mirantur. Quod argumentum parvum esse atque exiguum jam inde collegeris, quod homines quosdam ceteroquin discrepantiarum in Homero investigandarum studiosissimos in Hercule ἀπίτω mi-

⁶³⁾ cf. Voelcker (Allgem. Schulzeit. 1831. II. p. 1157.): es ist daher nur persönliche Auszeichnung nicht Folge des Standes, wenn Tiresias den goldenen Stab oder Scepter, das Zeichen äußerer Würde führt Od. XI, 91."

⁶⁴⁾ l. l. Vol. III. p. 353.

nime videas haerentes. Cujus rei testem, ut Payne-Knightium omittam, habeo Koesium, qui Achillem aliosque, fortasse etiam Herculem sanguinem bibisse, antequam Ulixem cognoscerent et alloquerentur deinceps, κατὰ τὸ σιωπῶμενον intelligendum esse dicit ⁶⁵). Neque aliter hac de re Nitzschius, qui nisi aliae causae essent, quae totum hunc de Hercule locum supposititium esse ostenderent, ex eo quod Hercules sanguinem bibisse non diceretur, argumentum contra illius loci integritatem derivandum esse negat ⁶⁶). Atque recte sensisse hac de re virum doctissimum eo magis apparebit, cum versus 565-600 deleverimus. Tum enim de Hercule quoque, qui statim Ajacem sequatur, verba intelligenda erunt v. 541 sq.

αἱ δ' ἄλλαι ψυχὰς νεκρῶν κατατρώγαντων
ἔστασαν ἀχνύμεναι, εἶποντο δὲ καὶδε' ἐκίστη.

Atqui cum colloqui animae cum Ulixē antea non possent, quam sanguinem bibissent: ea ex re, quod sive interrogasse sive collocutae esse dicuntur, jure illas sanguinem bibisse colligimus. Nam cum jam saepius ⁶⁷) dictum sit animis, ut Ulixem agnoscerent et cum eo colloquerentur, sanguine opus esse, cumque nos omnino id mente teneamus, non miremur, quod de Achille, Ajace, Hercule illa et agnoscendi et colloquendi condicio non sit repetita. Quod eo facilius poetae condonamus, cum Herculem ad Ulixem (ideoque ad sanguinem) accessisse sciamus. Hoc enim ex verbis patet quibus abiisse Hercules dicitur v. 627:

ὥς εἰπὼν ὁ μὲν αὖτις ἔβη δόμον Ἀΐδος εἴτω. ⁶⁸)

⁶⁵) I. I. p. 37.

⁶⁶) I. I. Vol. III. p. 308. et ad Od. XI, 615 (p. 355.).

⁶⁷) v. 95 sq. 98. 147 sqq. 153. 228 sqq. 390. cf. v. 48 sqq.

⁶⁸) cf. v. 465, quo simili ratione verba ἔλθῃ δ' ἐπὶ ψυχῇ II. 'A. usurpata sunt.

§. 3.

Grammaticorum igitur veterum argumentis refutatis ea perpendamus, quae nova Nitzschius protulit. Offenditur autem eo, quod Ulixes nihil respondeat ⁶⁹⁾ et Orci canis commemoretur, quem dicit Homerum ighorare ⁷⁰⁾.

Quod dicit vir doctissimus Ulixis silentium mirum esse, id concedendum esset, si quid Ulixes quod responderet habuisset. Atqui cum nihil haberet, nihil poterat respondere. An est aliquis, qui, quod Herculi respondere ille potuerit, sciat? Proferat dum! Quod priusquam factum fuerit in Ulixes silentio non haerebimus. Immo omnes, qui accuratius illius loci rationem reputaverint, necum censent, qui Ulixem omnino nihil respondere neque potuisse neque debuisse contendam.

Sententiam quoque de Cerbero Nitzschius proposuit tantum, non demonstravit. Dicit enim locum alterum, qui Cerberi mentionem faciat (Il. VIII, 362-369), suspectum esse; neque vero, cur hanc sententiam amplexus sit, neque cur Il. XIX, 88-133 Homeri esse negarit, rationibus sat gravibus probavit, cum argumenta, quae ad sententiam suam defendendam afferat, mera commemoratione refutari videantur. Dicit enim haec ⁷¹⁾: Von den berühmten Arbeiten des Herakles kommt ausdrücklich in den homerischen Gedichten nur das Heraus-
holen des Kerberos vor, und zwar zweimal, aber wie die Stelle unten 621-26 der Interpolation angehört, so steht auch die andere Il. VIII, 362-69, in einem gewissen Widerspruch mit das. XVIII, 119. indem der Dienst der Athene zwar früher half, aber zur Zeit ihrer Aeußerung, wo Herakles doch todt ist, kaum noch einen Werth hat. Der

⁶⁹⁾ l. l. Vol. III. p. 355.

⁷⁰⁾ l. l. Vol. III. p. 353. 236.

⁷¹⁾ l. l. Vol. III. p. 236.

Interpolation verdächtig ist ferner die Stelle Il. XIX, 95-133, wo die Unterwerfung des Herakles unter die Gewalt des schlechtern Mannes durch die von der eifersüchtigen Here verspätigte Geburt desselben so breit erzählt wird. Es spricht dort Agamemnon, und er weiß die Olympische Geschichte, wie sie den Helden bei Homer sonst nie ohne Weiteres bekannt sind. Achill weiß Il. I, 336. Etwas durch seine Mutter, Odysseus Od. XII, 388. durch die Kirke; dagegen ist Glaukos Il. XVII, 163. dessen, was die Götter gethan, unkundig. Freilich erzählt Agamemnon dort eine frühere Geschichte, aber dennoch ist die Weise befreundlich, so wie Ort und Zeit wenig passend." —

Quae quidem argumenta non sufficere mihi videntur ad illas de Cerbero narrationes in suspicionem adducendas!

Restat igitur, ut de iis argumentis dicamus, quae contra Herculeum B. Thierschius⁷²⁾ protulit. Neque vero ea omnia refutem necesse est, cum plurima aut nimis exigua aut istiusmodi esse videantur, ut Thierschium ipsum vix credibile sit eorum defensionem esse suscepturum. Attamen unum protulit argumentum, quod tantam veritatis speciem prae se fert, ut silentio praeteriri nequeat. Versum enim 567 dicit non difficile esse intellectu accurate cum versu 630 cohaerere. Quam sententiam Nitzschius quoque amplexus est, nisi quod versum 564 cum v. 628 dicit connectendum esse, huiusque opinionis causam affert satis probabilem⁷³⁾. Versus enim 565 sqq., ne orationis intercapedo existeret, ad rationem versuum 628 sqq. formatos esse censet. Quae sententia meis ipsius verbis⁷⁴⁾ adjuvari videtur atque eo etiam augetur, quod possumus vv. 565-626 omittere, neque tamen quidquam quod ad solam pertinet verborum cohaerentiam desideramus. Nihilominus, si accurate rem reputaveris,

⁷²⁾ l. not. 43. l.

⁷³⁾ l. l. Vol. III. p. 356.

⁷⁴⁾ cf. supra p. 19.

neque Thierschii neque Nitzschii poteris probare sententiam, ut quae tum demum, cum alia argumenta accesserint, sit locum habitura. Namque unum hujusmodi hac in re argumentum non sufficit. Quod si esset, quid tandem obstaret, quominus sive Antiopam sive Alcumenam sive Epicastam sive Chlorim sive Iphimedian diasenastae esse existimaremus? Atqui cum omnia alia, quae contra Herculem prolata sunt, me satis refutasse confidam, nihil me posse neque Thierschii neque Nitzschii sententiae tribuere apparet.

Atque haec quidem argumenta contra Herculem in libro Odysseae undecimo commemoratum viri docti attulerunt. Quae cum jam refutasse mihi videar ad ea transeamus perpendenda, quibus Herculem in Orco omnino commemorandum fuisse demonstrare conabor.

§. 4.

Ac primum quidem ad hanc rem evincendam demonstrare necesse est, Homerum Herculem in Orco commemorare potuisse h. e. Herculem ex Homeri sententia apud inferos versari. Neque hoc difficile est ad demonstrandum. Nam post accuratam Nitzschii ac subtilem de eo quaestionem⁷⁵⁾, num Homero Herculis in deos relatio nota fuerit, non amplius dubium esse potest, quin Homerus neque Herculis neque alius cujusquam ἀπὸ θεώσεως notitiam habuerit. Quotiescunque enim in carminibus Homericis mentio fit Herculis, eadem ratione de hoc heroe, qua de ceteris omnibus, dicitur, ita ut ipsius consecrationem ea quidem, qua Ilias et Odyssea componebantur, aetate omnino non usu receptam fuisse appareat. Quod etiamsi vv. 602 sq. non ab Homero profectos esse ostendat, firmum tamen praesidium affert grammaticorum sententiae, qui ex verbis Il. XVIII, 117:

οὐδὲ γὰρ οὐδὲ βίη 'Ηρακλῆος φύγε Κῆρα.

⁷⁵⁾ I. I. Vol. III. p. 340 sqq.

Herculem eodem quo alii heroes modo et morte correptum esse et ad inferos venisse collegerunt⁷⁶⁾. Neque parvi est ad hanc grammaticorum sententiam confirmandam momenti, quod Graecos olim Herculem non deum habuisse nobis traditum est. Refert enim Diodorus Siculus⁷⁷⁾, Athenienses primos Herculem divinis prosecutos esse honoribus; id quod de Marathoniis Pausanias narrat⁷⁸⁾. Ex qua narratione tempus aliquod fuisse intelligitur, quo heros ille excellentissimus non pro deo haberetur, sed ad inferos venisse existimaretur. Quam de Hercule opinionem priorem ideoque Homeri esse jam inde comprehenditur, quod posterioribus temporibus Herculis consecrationem ubique animadvertere liceat. Sane igitur potuit Homerus, si voluit, Herculem cum Ulixē facere colloquentem.

Quaeritur autem, ut eo redeat unde digressa est disputatio, num qua exstet causa, quae Homerum, cum Herculem posset cum Ulixē colloquentem describere, ut eum re vera describeret, commovere potuerit? Neque hoc dubium. Herculis enim descriptio, si sententiam, quam poeta hac universa de Ulixē narratione efferre voluit, respicis, cum ceteris Νεκυσίας partibus quam arcte cohaereat, supra demonstratum est⁷⁹⁾. Dein cum Herculem apud inferos versari et simili aliquando, qua Ulixes, ratione in Orcum, unde Cerberum auferret, descendisse sciamus, fieri non potest, quin, cum Ulixem videamus eundem in locum proficisci, illius viri recordemur. Quod quam sit conscutaneum, jam inde possumus colligere, quod veteres Homeri interpretes similitudinem, quae intercederet inter utrumque virum, notasse vide-

⁷⁶⁾ cf. I. not. 42. I.

⁷⁷⁾ IV, 39: Ἀθηναῖοι πρῶτοι τῶν ἄλλων ὡς θεὸν ἐτίμησαν τὸν Ἡρακλέα. cf. Aristid. Tom. I. p. 60.

⁷⁸⁾ I. 32, 4: Σίβονται δὲ οἱ Μαραθῶνιοι Ἡρακλέα, φάμενοι πρῶτους Ἑλλήνων σφίσιν Ἡρακλέα θεὸν νομισθῆναι. cf. I. 15, 4.

⁷⁹⁾ p. 13.

mus⁸⁰). Neque solum in hoc itinere ad inferos suscepto illa Herculis et Ulixis similitudo posita est, verum etiam in auxilio, quod utrique viro Minerva et Mercurius tulisse dicuntur. Nam quod nostro loco de horum numinum auxilio refertur, id non inde profectum arbitror, quod Ulixes ab iisdem diis sublevatus esse dicatur⁸¹): sed insignis haec et Herculis et Ulixis fabularum similitudo ex ipsa Minervae et Mercurii derivanda est natura, quae cum maxime iu iis hominibus versetur sublevandis, qui multis iisque gravibus periculis sint contentionibusque illaqueati⁸²), tum Herculis tum Ulixis fabula apparere debebat. Huc accedit, quod Il. VIII, 357 sqq. Minerva de se ipsa dicit, se aliquando Herculem adjuvisse, cum ei, ut Orci canem asportaret, demandatum fuisset⁸³).

⁸⁰) cf. not. 20. Senec. de constant. cp. 2: Catonem autem certius exemplar sapientis viri nobis deos immortales dedisse, quam Ulixem et Herculem priuribus saeculis. Hos enim Stoici nostri sapientes pronuntiaverunt, invictos laboribus, contemtores voluptatis et victores omnium terrorum." — Herculem Ulixemque patronos fuisse factos Stoicorum et Sophistarum notum est. cf. Heync, Comment. Soc. Gotting. a. 1780. Vol. III. G. C. Mezger, de Hercule sapientis Stoici exemplo. August. Vindel. 1829.

⁸¹) a Minerva sexcenties, a Mercurio Od. V. init. et X, 274 sqq. cf. Il. XXIV, 334 sq.

⁸²) cf. P. F. Stühr, Religionssysteme der Hellenen. Berlin. 1838. p. 336 sqq. (p. 332 sqq. 340) p. 318 sq.

⁸³) De Hercule a Minerva et Mercurio sublevato cf. Il. XX, 146 ibiq. Schol. Euripid. Heraclid. 920 sqq. ibiq. Barnes. — Dionys. Halic. Techn. Tom. II. p. 41, 31 (ed. Sylburg. Lips. 1691. fol.): ὁ δὲ [Ἡρακλῆς] σὺν τῇ Ἀθηνᾷ πάντα κατέβησε τὰ ἐπιταχθέντα." — Pherecyd. ap. Schol. Od. XXI, 22 (no 46. p. 172 sqq. ed. Sturz.). Apollodor. II. 4, 11. 5, 6. 11. 12. II. 6, 3. II. 4, 9 (Odys. XIX, 394 sqq.). cf. O. Muel-ler, Handbuch d. Archaeologie. ed. II. §. 381, 7. — 410, 9. — 411, 1. 3. 5. — 365, 1. Fr. Welcker, in Allg. Schulz. 1831. II. no 138. p. 1101. not. 1. Boettiger, Hercules in bivio. Lips. 1829. p. 25 sqq. B. G. Weiske, Prometheus u. sein Mythenkreis. Leipzig. 1842. p. 495 sq. not. 1 et 2.

Quae cum ita sese habeant, summam inter Herculem et Ulixem intercedere similitudinem ex ipso Homero intelligitur. Quis est igitur, qui Ulixem in Orco versantem nobis Herculem, qui idem sustinuerat, in memoriam neget redigere? quis qui, cum Homerus Herculis fabulam cognovisset, illum non recordatum esse hujus viri opinetur, qui cum maiorum, ut ita dicam, successore atque haerede colloquens tam eximiam praeberet tamque praeclaram imaginem? Num Homerus potuit tum sine magno carminis detrimento, tum sine incommoda auditorum frustratione hoc colloquium omittere?

Herculem autem compluribus jam ante Homerum celebratum fuisse carminibus a tot viris doctis demonstratum est ⁸⁴), equidem ut hujus rei repetitione possim supersedere. Atqui cum Herculis fabulam Homero cognitam fuisse constet, quid potest esse verisimilius, quam eum etiam Herculis ad inferos proficiscentis notitiam habuisse? Nam haec potissimum totius fabulae partem auditorum animos oblectasse inde potest perspicui, quod in tam multis carminibus Graecorum epicis nobis traditum est iter aliquod in Orcum enarratum fuisse ⁸⁵). Quam conjecturam nostram verba affirmant Od. XI, 623 sqq. et Il. VIII, 362 sqq.

Ergo haec similitudo cognatioque inter Herculis et Ulixis fabulas intercedens tanta erat, ut poeta, cum Herculem posset cum Ulixe facere colloquentem, omittere hoc colloquium non deberet.

⁸⁴) cf. Heynei Obs. ad Apollod. (II. 4 sqq.) p. 132 sqq. Nitzsch. l. l. Vol. III. p. 236. et qui ab hoc laudantur Boettiger, *Ilithyia oder die Hexe*. p. 31 sq. O. Mueller, *Dor.* II. p. 482. Uschold, *Geschichte des trojan. Krieges*. Stuttgart. 1826. p. 411.

⁸⁵) Ut in *Nóros* (Pausan. X. 28, 4.-29, 4.-30, 2 (coll. I. 2, 1). Mueller, de cyclo Graecorum epico. Lips. 1829. p. 41 sq. Nitzsch. *Meletem*. II. p. 32 sqq. Welcker. *Ep. Cycl.* p. 279 sqq.), in *Minyade* (Paus. X. 28, 2. Welcker. l. l. p. 255). cf. Welcker. l. l. p. 259 sq. A. Ozanam, de frequenti apud veteres poetas heroum ad inferos descensu. Paris. 1839. —

Susceptae materiae ordo jam me ad aliud, quod pro Hercule afferre institui, argumentum adducit. Recte enim Nitzschius videtur contendisse, Homeri auditores in eam necessario venisse sententiam, ut Ulixem, quem ad inferos profectum esse audirent atque cum multis ibi et feminis et viris collocutum, eos quoque, quos animo complecterentur quique in Orcum jam descendissent, ibi vidisse existimarent; qua in re auditoribus verisimile esse personas carminibus maxime celebratas imprimis in mentem venisse ⁶⁶). Quod quam recte vir ille doctissimus significarit, neminem potest effugere. Atqui cum Hercules tunc in Orco versari existimaretur (cf. p. 36 sq.) et permultis esset carminibus celebratus (cf. p. 39.): quid tandem probabilius est, quam auditores, Ulixes an Herculem quoque heroum omnium vidisset summum, interrogasse? Quam interrogationem illis in mentem venisse, si eorum, quae paullo ante disputavimus, rationem habueris, multo etiam magis verisimile tibi videbitur. Itaque vix opus esset illud afferri argumentum, quo Herculem nobis jam antea in memoriam reductum esse appareat, fabulis dico illis, quae quam arctissime cum ejus nomine coliacrant. Quarum non sunt ea solum, quae de Alcumena (v. 266 sqq.) deque Megara (v. 269 sqq.) narrantur, verum Nelus etiam ejusque filii (v. 254 sqq. 281 sqq.), quibuscum Hercules pugnascebat ⁶⁷), facere non possunt, quin hujus viri dent nobis excellentissimi recordationem. Atque tota libri, de quo dicimus, materia in rebus fabulisque et Orchomeniorum et Thebanorum versatur ⁶⁸), ita ut universa, quae antecesserit, enarratione Herculis innago, qui esset Thebanorum longe celeberrimus, in animo nostro sit penitus impressa. Nonne vero poetam scire pessimum *Naxóας* auctor prae buisset, si

⁶⁶) l. l. Vol. III. p. 228.

⁶⁷) cf. not. 198.

⁶⁸) cf. infra Cap. V.

expectationem primum nobis concitasset, deinde vero decerpisset?

Locum de quo quaestionem instituimus germanum esse id quoque argumentum demonstrat, quod in Hercule colloquente positum est. Nam Herculis descriptionem mirum quantum differre ab ea, qua Minos, Orion, Tityus, Tantalus, Sisyphus contineantur, omnes intelligunt, qui paullo accuratius utramque velint narrationem considerare. Hercules enim non conspicitur tantummodo ab Ulixæ, sed etiam ad fossam, quæ victimæ excepisset sanguinem, accedit atque animarum cum Ulixæ colloquium, quod Minois, Orionis virorumque impiorum descriptione erat interruptum, rursus incipit. Neque tamen quidquam obstat, quominus aequè ad sanguinem Minos et Orion appropinquarent.

Sed ad ultimum venio argumentum, quo ductus illam de Hercule narrationem totius libri auctori adscribendam esse censui. Quanvis enim facile intelligatur Minos, Orion, Tityus, Tantalus, Sisyphus cur suppositi sint, hujusque interpolationis causa peridonea possit excogitari: rationem tamen, qua commotus aliquis huc Herculis descriptionem inseruerit, nondum potui indagare. Immo qui hunc Homero locum supponere instituisset, ei permultas res adversaturas fuisse comprehenditur. Nihil enim aliud statuere poteris, quam illius loci auctorem Herculem deum aut cognovisse aut non cognovisse. Prior autem sententia ferri non potest, cum non intelligas, quæ tandem causa diasceuastram commoverit, ut Herculem, quem omnes divinis prosequerentur honoribus, in Orco versantem describeret? Sed ea est fabularum omnium natura, ut res, quæ primo sint attenuate ac simpliciter enarratae, post aliquod tempus implicite ac mirabiliter depingantur. Itaque homines, qui principio nulla alia re differrent a ceteris, nisi majore sive animi sive corporis vi atque divina, qua nati essent, stirpe, postea inter ipsos deos

referebantur.⁸⁹⁾ Quo factum est, ut Achilles, quem Homerus nondum pro deo habet, posterioribus temporibus deus haberetur versarique cum Helena uxore in Leuce insula existimaretur⁹⁰⁾. Simili modo fabulae commutatae sunt Diomedis⁹¹⁾, Philoctetae⁹²⁾, Ajacis⁹³⁾, Neoptolemi⁹⁴⁾, Antilochi⁹⁵⁾, Hectoris⁹⁶⁾, Ulixis, quem post mortem revixisse Circaeque in matrimonium duxisse Cyrenaeus Eugammon cantaverat⁹⁷⁾.

⁸⁹⁾ cf. Welcker. Ep. Cycl. p. 233 sq. eund. Rhein. Mus. 1833. II. p. 244 sq. Koehler. (cf. not. 90.) p. 680 sqq.

⁹⁰⁾ Quod Acthiopide celebrabatur. cf. Nitzsch. Meltem. II. p. 50. Boeckh. Expll. Pindar. p. 132. Dissen. ad Pind. Nem. IV, 49. Koehler, sur les isles et la course consacrées à Achille dans le Pont-Euxin avec des éclaircissemens sur les antiquités du littoral de la Sarmatie et des recherches sur les honneurs que les Grecs ont accordés à Achille et aux autres héros de la guerre de Troie." In Mem. de l'Acad. des sciences de St. Petersbourg. Tom. X. Petersb. 1826. 4. p. 531-819.

⁹¹⁾ cf. Pindar. Nem. X, 7 ibique Dissen. (in Boeckh. Expll. p. 463 sq.), Heyne. Virg. Aen. X. exc. 1. Koehler. l. l. p. 694 sqq.

⁹²⁾ cf. Lycoph. Cass. 927 sqq. Koehler. l. l. p. 705: on lui offroit en victimes des taureaux comme à une divinité de l'Olympe."

⁹³⁾ Pindar. Nem. IV, 48. Aesch. Pers. 363. Paus. I. 35, 2. III. 19, 11. Philostr. heroic. p. 66. 72. Koehler. l. l. p. 687 sqq.

⁹⁴⁾ Pindar. Nem. VII, 44 sqq. Pausan. X. 24, 5. Koehler. l. l. p. 686 sq.

⁹⁵⁾ Philostr. her. p. 79. Koehler. l. l. p. 686.

⁹⁶⁾ Quem Thebani venerabantur. cf. Aristot. Epigr. XLI (Brunck. Anal. Tom. I. p. 182) Pausan. IX. 18, 4. Tzetz. ad Lycophr. 1194, 1208. Boeckh. Expll. Pindar. p. 537 sq. O. Mueller. Orchom. p. 395. — Hieneses Hectorum veneratos esse refert Athenagor. legat. pro Christian. p. 6. 108 ed. Rechenberg. Clemens Rom. recognit. lb. X. p. 110 ed. Semaian. a. 1569. cf. Strab. XIII. p. 692.

⁹⁷⁾ cf. infra not. 113. — Divinos Ulixis apud Trampyias in Epiro honores commemorat Tzetz. ad Lycophr. 800. Ulixis oraculum idem ad. v. 799. cf. Dissen. in Boeckh. Pind. Expll. p. 424.

Ergo eum, qui pro deo Herculem haberet, hunc in Orco versantem descripsisse statui nullo modo potest, ut qui Herculem mortuum et ad inferos profectum, potius ad deos retulisset ⁹⁵). Itaque nostri loci auctorem constat Herculis consecrationem nondum cognovisse. Quod cum ita sit, versus 602-604 seriore aetate illatos esse in Νεκύαν⁹⁶ atque meo me jure egisse in his versibus a ceterorum familia sejuugendis apparet ⁹⁷).

Sed dixerit aliquis Herculis descriptionem ejus inter deos receptione quidem priorem esse, neque vero inde consequi, ut ea sit germana. Quod argumentum quam sit infirmum, facile perspicitur. Nam Herculem jam perantiquis temporibus pro deo habitum esse ex carmine illo cyclico intelligitur, quod inscribebatur Οἶχαλίας ἄλωσις et a Creophylo conscriptum fuisse perhibetur. In quo carmine Herculis in Oeta monte exustionem celebratam fuisse atque inter deos receptionem Welckerus V. Cl. tam accurate demonstravit ¹⁰⁰), ut, quamquam fere nullum illius carminis versum iniquitas temporum nobis superstitem esse voluit, hac de re tamen nequeat dubitari. Facere igitur non poterimus, quin Herculis descriptionem ad id ipsum tempus, quo alia eaque germana HomERICA carmina componebantur, referamus.

Quod si nobis concessum erit, facile quae fuerit versuum 602-604 supponendorum ratio comprehendetur. Nam cum populum, coram quo Homeri carmina recitabantur, vehementer hac de Hercule apud inferos versante narratione offendi necesse esset: rhapsodi, qui gratiam populi ac be-

⁹⁵) Et tale quid revera factum est cf. p. 43 sq.

⁹⁶) In eodem fere sententia Nitzschium versari ex ejus verbis perspicuum est, quibus aliquam Herculis inferni imaginem dicit jam prius in Homerum illatam fuisse, quam Onomacritus, ne discreparet a populi opinione Homerus, versus 602-604 adjecisset. Nitzsch. l. l. Vol. III. p. 349.

¹⁰⁰) Episch. Cycl. p. 233 sqq.

nevolentiam eaptarent, eum illum de Hereule locum neque vellent ex Homero ejieere neque possent, viam inierunt eam, ut in Orco εἰδωλόν tantum Herculis, eum ipsum autem apud deos versari immortales praedicarent. Quam Homericæ popularisque opinionis æquationem rhapsodis Atticis deberi perquam mihi probabile est, cum Hercules cultum summo Athenienses in honore atque primos habuisse viderimus ¹⁰¹). Non magui igitur fecerim narrationem illam, quæ Onomacritum versuum 602-604 auctorem prodit ¹⁰²), atque conjectura magis, quam certis argumentis niti videtur. Nam eum nullus alius Homerus, quam quem Pisistratus conscribendum curaverat, veteribus grammaticis videatur cognitus fuisse ¹⁰³), illa de Onomaerito narratio unde orta sit, praesertim cum critici Alexandrini, quos vocant, eam, quæ summi in illis versibus rejiciendis momenti fuisset, silentio prorsus praeterierint, nequaquam intelligimus. Versus autem illos Attici esse diasceuastæ inde potest colligi, tum quod Pisistratum probabile est in Homero conscribendo rhapsodis maxime Atticis usum esse, tum quod alii quoque Νεωίαις versus ¹⁰⁴) Atheniensem auctorem redolent.

Atque his fere rationibus moveor ut Herculis descriptionem ab ipso totius libri auctore profectam esse existinem.

¹⁰¹) cf. not. 77. Nitzsch. l. l. Vol. III. p. 349. Pflugk. Eurip. Heracl. p. 5.

¹⁰²) cf. not. 47.

¹⁰³) cf. not. 50.

¹⁰⁴) cf. v. 321-325. et 631. cf. infra Cap. III.

CAP. III.

RELIQUAE NEKTIAS INTERPOLATIONES EXAMINANTUR.

τῶν ἄλλων μὲν ἀποφθίνουσιν, ἄλλας μὲν βιώντω.

II. VIII, 429.

Hoc tertio capite de reliquis Νεκτιάς versibus iis disputabo, quos ab Homero profectos esse neque aliis viris doctis neque mihi ipsi persuasum est. Neque vero me in supposititiis illius libri versibus examinandis uti opus est longa atque copiosa disputatione, quod cum ad alios viros possum provocare, qui versus aliquos adulterinos esse sat demonstrarunt, tum interpolationes, quae recensendae restant, momenti sunt iis minoris, quae Elpenoris Herculisque descriptionem complectuntur. Qua in re ita versabor, ut singulos versus, de quibus disserendum sit, secundum ordinem, quem in Νεκτιά sequantur, proferam. Atque quod supra dixi ¹⁰⁵), ex omnibus Odysseae libris nullum esse, qui tantopere sit interpolationibus foedatus, quantopere liber undecimus, id maxime hac tertia quaestione recte a me dictum esse apparebit.

Primum autem de vv. 38-45:

νύμφαι τ' ἡΐθεοί τε πολύτλατοί τε γέροντες
 παρθενικαί τ' ἀταλαὶ νεοπενθεία Συμὸν ἔχουσιν·
 πολλοὶ δ' οὐτάμενοι χαλκήρετιν ἐγχείητιν
 ἄνδρες ἀρηϊφάτοι, βεβροταμένα τεύχε' ἔχοντες·
 οἱ πολλοὶ περὶ βότρυν ἐφοίτων ἄλλοθεν ἄλλος
 Σετπεσίη μεχῆ· ἐμὲ δὲ χλωρὸν δῖος ἦρει.

quos cum veteribus criticis (cf. Schol. Q. et Vulg.) Wolfius et Nitzschius pro supposititiis habuerunt, confitendum mihi

¹⁰⁵) cf. p. 9.

est, id quod jam supra indicavi ¹⁰⁶⁾, neque grammaticorum neque Nitzschii ¹⁰⁷⁾ contra hujus loci integritatem argumenta satis gravia mihi ac firma videri.

v. 92.

Διογενὲς Λαερτιάδῃ πολυμήχαν' Ὀδυσσεύς.

Nonnihil interesse videtur, utrum huic versum, quo Ulixem Tiresias alloquitur, retineamus necne. Nam si Homeri eum esse arbitramur, Tiresias prius quam sanguinem bibisset Ulixem agnoscit, siu negamus etiam vati illi videtur sanguine opus esse ad Ulixem agnoscendum.

v. 115-134.

δῆεις δ' ἐν πῆματι αἰκῶ,
 ἄνδρας ὑπερφιάλους, αἳ τοι βίοντα κατέδουσιν,
 μνώμενοι ἀντιζήν' ἄλοχον καὶ ἔδνα διδόντες·
 ἀλλ' ἤτοι κείνων γε βίος ἀποτίσεται ἐλθών.
 αὐτὰρ ἐπὴν μοῖστῆρας ἐνὶ μετώροισι τεοῖσιν
 κτεάτης, ἥ δ' ὀλέψ, ἧ ἀμφαδὸν ὄξυϊ γαλκῷ,
 ἔρχεσθαι δὴ ἔπειτα λαβὼν εὐχρῆς ἱερεμόν,
 εἰκόσι τοὺς ἀφίκηται, οἳ οὐκ ἵστασι Σαλατταν
 ἀνίρες, οὐδέ Σ' ἄλυσσι μεμνημένον εἶδαρ' ἔδουσιν·
 οὐδ' ἄρα τοίγ' ἵστασι νῆας φοινικοπαρχούς,
 οὐδ' εὐχρῆ' ἱερεμά, τάτε πτερὰ νηυσὶ πέλονται.
 σῆμα δέ τοι ἐρίω μάλ' ἀριφραδῆς, οὐδέ σε λήτει·
 ὅπποτε κεν δὴ τοι ξυμβλημένος ἄλλος ὁδότης
 φήῃ, ἀσκηλαιογὼν ἔχειν ἀνὰ φαιδίμῳ ὦμον,
 καὶ τότε δὴ γαίῃ πῆξας εὐχρῆς ἱερεμόν,
 ῥέξας ἱερὰ καλὰ Ποσειδάωνι ἀνέκτι,
 ἀρνειὸν ταῦρόν τε συνὼν τ' ἐπιβήτορα κάπρον,
 οἴκαδ' ἀποστεινέχῃν, ἔρδειν Σ' ἱερὰς ἐκατόμβας
 ἀθωαίεσσι θεοῖσι, τοῖ οὐρανὸν εὐρὺν ἔχουσιν,
 πᾶσι μάλ' ἐξείης·

¹⁰⁶⁾ p. 28. not. 55.

¹⁰⁷⁾ l. l. Vol. III. p. 135 sq. — Si vulnera accipere εἰδῶλα nequeunt, cur σιδήρεον φοβεῖσθαι (Schol. Q. v. 48)? cf. Eustath. p. 1672.

Permulta in his verbis insunt, quae magnam nobis dubitationem, num germana sint, afferant ¹⁰⁸⁾. Nam quae de procis dicuntur, plane mihi persuasum est ea sciore demum aetate et orta esse et huc infersa. Tircsiae enim verba qui accurate consideraverit, facere non poterit, quin sic ea conformata existimet, ut mala quoque, quae domi Ulixes reperire dicatur, ex Solis tauris in insula Trinacia mactatis nata habeantur. Id quod ineptum esse neque cum historia alias relata conveniens quisque intelligit.

Dein qui fieri potuit, ut Ulixes, quippe qui jam de procis bona ipsius abligurituris Penelopamque in matrimonium sibi petituris certior factus esset, ex matre quaereret, utrum uxor alicui nupsisset Achaeorum necne?

εἰπὲ δέ μοι μηστῆς ἀλόχου βουλὴν τε νόον τε
 ἥ μινει παρὰ παιδὶ καὶ ἔμπεδα πάντα φυλάττει,
 ἧ ἤδη μιν ἔγκλειν Ἀχαιῶν ὅστις ἄριστος; v. 177 sqq.

Ulixes autem, cum a Minerva postea de procis certior fit ¹⁰⁹⁾, nihil se de his antea audivisse ostendit. Nitzschii enim excusatione atque interpretatione ¹¹⁰⁾, quam probare prorsus

¹⁰⁸⁾ cf. Kayser. disp. de diversa Homeric. carminum origine. Heidelb. 1835. p. 10 sq. Ad. Hermann. de undecima Od. rhapsodia commentatio. Gotting. 1833. p. 9. 6.

¹⁰⁹⁾ XIII, 383 sqq.

¹¹⁰⁾ I. I. Vol. II. p. I: „Bei seinem Todtenbesuch wird Odysseus von dem Seher Teiresias schon auf die Freier in seinem Hause hingewiesen. Dieser Prophezeiung scheint Odysseus XII, 383 s. nicht eingedenk zu sein, doch ist dieß wieder eine göttliche Erinnerung an Etwas, was des Klugen Geist auch selbst bedenken könnte, oder vielmehr eine Repraesentation eigener Klugheit durch die Göttin, welche sie verleiht. Endlich mußte er erfahren daß jene Prophezeiung eintreffe.“ — Vol. III. p. 206 sq. „Daß diese Ankündigung der Freier, die Odysseus in seinem Hause treffen werde, von diesem nachmals XIII, 383 ff. vergessen scheine ist ein voreiliges Urtheil. Jene ganze Beratung mit Athene ist nur Veranschaulichung der eignen Ueberlegungen des von jener Göttin geliebten d. h. durch Vor- und Umsicht ausgezeichneten Helden.“ —

nequeam, hanc libri undecimi tertique decimi repugnantiam non esse sublevatam censeo. Immo versus nostri libri, qui procorum mentionem faciant, aliunde desumptos atque huc esse interpositos apertum est:

v. 116 = XIII, 396. XV, 32. v. 118 = XVI, 255.

v. 117 = XIII, 378. v. 119 sq. = I, 295 sq.

Nonne autem vaticinii parte ea, qua post tot pericula terra marique perlata nova eaque gravia subeunda dicuntur, opus erat Ulixis alacritatem in laboribus suscepiendis illis, qui prinsquam in patriam sospes rediret, ipsi innuinerent, vehementer labefactari? Nonne haec animi afflictio ei prorsus adversaretur fini, quem Ulixis itinere ad iuferos suscepto poetam spectare demonstravimus¹¹¹⁾?

Dein qui versus fecerit 121 sqq., cum itineris ad Thesprotos suscepti notitiam habuerit, eundem mortem Ulixi a Telegono oblatam cognovisse probabile est. Nam Ulixes ad Thesprotos profectus et a Telegono occisus Telegonia, carmine quodam cyclico, celebrabatur. Atqui huic rei adversantur vv. 134 sqq.:

Θάνατος δὲ τοι εἴξῃ ἀλὸς αὐτῷ
ἀβληγχοῦς μάλα τοῖος ἐλεύσεται, ὅς κ' εἰ σε πείρῃ
γῆρας ὑπο λυπαρῶν ἀρημένον· ἀμφὶ δὲ λαοὶ
ἐλθιοὶ ἔσσονται.

Narratio enim, qua Ulixes a Telegono, quem filium ex Cirea suscepisset, cum a Thesprotis Ithacam rediret, hasta trygonis spiculo instructa vulneratus ac trucidatus esse dicebatur, non nisi ex falsa verborum εἴξῃ ἀλὸς (v. 134) interpretatione orta est. Quae verba sive unum vocabulum constituere sive duo arbitramur, nihil aliud significare constat, nisi ἔξω καὶ πόρῳ τῆς θαλάσσης¹¹²⁾. Sed ita Graeci Ho-

¹¹¹⁾ cf. supra p. 10 sqq.

¹¹²⁾ Schol. Vulg. ad. v. 134. cf. Schol. Q. ad eund. v. Eustath. p. 1676. Lehrs, de Aristarchi studiis Homericis. Regimont. 1833. p. 134. not.

mero recentiores ea interpretati sunt, ut mortem iis significari dicerent, quam ex mari profectam occumbere Ulixem Tiresias auguratus esset. Atque longam de hac Ulixis morte fabulam composuerunt¹¹³⁾, Neque mirum debet videri, quod ex falsa verborum Homericorum interpretatione illam de Telegono et Ulixis morte fabulam exstitisse dixi, cum eodem modo alias easque latas narrationes ortas esse sciamus¹¹⁴⁾.

Jam vero quae sit totius interpolationis ratio, videamus, Est autem satis probabile, carmina, quibus Ulixis errores contineantur, iis antiquiora esse, quae de procis composita sunt. Quare consentaneum est eos, qui carminibus epicis aut componendis aut recitandis operam navarent, id potissimum spectasse, ut nova quaeque carmina ad vetera accommodarent, atque haec versibus locupletarent, quibus ad ille

¹¹³⁾ cf. Proclus in Bibliothek der alten Litteratur und Kunst. I. 1 p. 42 sqq. Hygin. Fb. 127. Schol. Bekker. p. 87⁴, 51. Oppian. Hal. II, 498 sqq. Flav. Philostr. heroic. p. 695. ed. Olear. al. al. Barnes. ad. Od. XI, 134. J. A. Fuchs, de varietate fabularum Troicarum quaestiones. Colon. 1830. p. 182 sqq. Welcker, Aeschyl. Trilog. p. 459 sqq. Episch. Cycl. p. 242. (not. 379) 248. 311 sqq.

¹¹⁴⁾ cf. Welcker, in Allgem. Schulz. 1831. II. no 99. p. 787. — no 138. p. 1102. not. 6 et 7. Rhein. Mus. 1833. II. p. 164. not. 78. Heynei Obs. in Apollod. p. 317. — Od. XI, 195 sqq. *νεώτεροι* adducti sunt, ut Anticleam ipsam, cui Nauplius Ulixem mortuum esse falso nuntiavisset, se trucidasse dictitarent. cf. Schol. Vulg. ad Od. XI, 195. Schol. Q. ad Od. XI. 202. Schol. Euripid. Orest. 432. — Liberos, quorum nulla est apud Homerum mentio, Ulixem ex Circa, Calypsone, Nausicaa al. accepisse poetae recentiores statuerunt. cf. Hesiod. Theog. 1011 sqq. ibq. Wolf. Eustath. p. 1796. Tzetz. Lycophr. 798. Chil. V. hist. XVI, 564 sqq. Creuzer, Briefe über Homer und Hesiod. Heidelberg. 1818. p. 223. Fuchs l. l. p. 178 sqq. al. al. — Neque defuerunt, qui Penelopam procorum omnium (*πάρτοισι*) meretricem factam Panem peperisse hariolarentur. cf. Herod. II, 145. Cic. N. D. III, 22 ibq. Davis. et Creuzer. Paus. VIII. 12, 3. Perizon. ad Aelian. V. H. XIV, 45. Creuzer, Symbolik. III. p. 241 sqq. al. al.

auditorum animi et converterentur et praepararentur. Itaque versus istos, qui procorum commemorationem continent, a diasceuasta huc illatos esse arbitror, qui idonea, quae vaticinio data erat, occasione ad procorum mentionem faciendam se uti posse existimaret. Neque aliud quidquam possum de versibus iis contendere, qui sunt de itinere Ulixis ad homines *οἱ οὐκ ἴσασι θάλασσαν* suscipiendo. Quod quidem mandatum tantum abest, ut poetae sit ejusdem, qui fabulam de Ulixē patriam appetente composuerit, ut nonnisi ea potuerit aetate exoriri, qua, cum fabula illa de Telegono conformata esset, hanc rhapsodi studerent cum illa de Ulixis erroribus conjungere ¹¹⁵).

v. 298-304.

καὶ Λχδὴν εἶδον, τὴν Τυνδαρέου παρήμεσιν,
ἧ ῥ' ὑπὸ Τυνδαρίῳ κρατερόφρονε γείνατο παῖδε,
Κάστωρά θ' ἱππόδαμον καὶ πύξ ἀργαδὸν Πολυδεύμεα·
τοὺς ἀμφω ζῶνους κατέγχει φρυγίζοος αἶα·
οἱ καὶ νέρθεν γῆς τιμὴν πρὸς Ζηνὸς ἔχοντες
ἄλλοτε μὲν ζῶουσ' ἑτερήμεροι, ἄλλοτε δ' αὖτε
τεθναῖσιν· τιμὴν δὲ λελόγγασι ἴσα θεοῖσιν.

Hos versus cum Payne-Knightio, Ad. Hermannō (l. l. p. 11 sq.) et Nitzschio (l. l. Vol. III. p. 246) pro spuris habeo. Castor enim et Pollux cum Tyndarei filii dicantur ¹¹⁶) et non Jovis, quomodo eorum *ἑτερήμερία*, cujus, si ambo mortales sunt, nulla est causa, commemorari potuerit, nequaquam intelligimus. Dein cum Il. III, 238 Helena se Castoris Pollucisque sororem dicat, et tunc, ubi Ulixes ad inferos profisceretur, in vivis esset, ambo isti heroes, Ulixis aequa-

¹¹⁵) De v. 123-125 Payne-Knight. haec: E commentis confictos esse et a rhapsodo senioris aevi insertos commissura satis probat, ut nihil dicam de digammate neglecto in τοῖς ἴσασι." —

¹¹⁶) v. 299 sq. cf. Nitzsch. l. l. Vol. III. p. 243.

les¹¹⁷⁾, a personis praeteritae, maximam partem ultimae aetatis, inter quos positi sunt, vehementer abhorrent et ab eo tantum, cui sane fratres illi essent homines temporis dudum praeteriti, hic poterant interponi.

Ad quae argumenta ea accedunt, quae tum in verbo λελόγγασι¹¹⁸⁾ posita sunt, tum in vocabulo τῇν (v. 298), quod articuli quasi vicarium improbandum est cum a versibus 260, 266, 305, quamvis eadem in iis sit conjunctio, vocula ista τῇν absit.

v. 321-325.

Φαίδρην τε Πρόκριν τε ἴδον καλὴν τ' Ἀριάδην,
 ποῦρην Μίνως ἐλοόφρονος, ἣν ποτε Θητεὺς
 ἐκ Κρήτης ἐς γουνὸν Ἀθηνάων ἱεράων
 ἦγε μὲν οὐδ' ἀπόνητο· πάρος δέ μιν Ἀρτεμις ἔκτα
 Δῆη ἐν ἀμφιρύτῃ, Διονύσου μαρτυρήσιν.

Homero hanc narratiunculam subditam esse censeo¹¹⁹⁾. Nam Homerum nullam omnino Dionysi notitiam habere Lobeckius V. Cl. argumentis probavit, quae neque a Voelckero¹²⁰⁾ refutata sunt neque omnino refutari posse videantur¹²¹⁾.

De mira autem vocabuli Διόνυσου correptione veteres grammatici ipsi disseruerunt¹²²⁾; atque Minoa ideo tantum

¹¹⁷⁾ cf. Il. III, 236-244.

¹¹⁸⁾ cf. Nitzsch. l. l. Vol. III. p. 245. G. Hermann. ad Orph. not. p. 804. de emendand. gr. Gr. p. 444.

¹¹⁹⁾ cf. Payne-Knight. ad v. l. Lobeck. Aglaoph. p. 284 sqq. Ad. Hermann. l. l. p. 11. 12. 18. Nitzsch. l. l. Vol. III. p. 251 sqq. L. Stephani, der Kampf zwischen Theseus und Minotauros. Leipzig. 1842. Fol. 7.

¹²⁰⁾ In Neue Jahrb. f. Phil. und Paed. 1832. V. t. p. 47 sqq. Rhein. Mus. 1832. II. p. 191 sqq.

¹²¹⁾ cf. Nitzsch. l. l. Vol. III. p. 42 sqq.

¹²²⁾ cf. Herodian. in Etym. M. s. v. Διόνυσος. G. Hermann. Opusc. II. p. 190 sq.

ἐλοόφρονα dici (v. 322), quod Atheniensium inimicus fuisset ¹²³), Guil. Muellerus recte suspicatus est ¹²⁴).

Tam brevis denique feminarum enumeratio, cum de omnibus quae antecedant uberius dictum sit, non locum habere nisi in fine narrationis videtur. Itaque recte sese habent v. 326 sq. ¹²⁵).

vv. 328-384,

Ulixis cum Phaeacibus colloquium continentes a Νεκυίας auctore profectos esse nego, quamvis paullo aliis ad hanc sententiam adducar argumentis, quam quae adhuc prolata sint ¹²⁶). Atque magnopere miror Nitzschium versus illos adulterinos existimasse, qui, si pro germanis haberentur, valde ejus de Homero sententiam essent adjuturi. Nam illud colloquium, si liber undecimus ejusdem, cujus sextus, septimus, octavus, poetae esset, non solum non supervacaneum esse, verum etiam maxime necessarium, accuratissime potest demonstrari. Quare, cum Nitzschius versus 328-384 παρεμβεβλημένους habeat, librum undecimum alius auctoris esse, quam qui fecerit sextum, septimum, octavum, concedit.

Equidem diversam viam ingressus versus illos supposititios esse mihi persuasi. Nam cum aliis argumentis commotus librum undecimum carmen singulare aliquando fuisse intellexissem, Ulixis cum Phaeacibus colloquium ea demum aetate, qua in unum aliquod poema singula de Ulixis erro-

¹²³) cf. Plutarch. Thes. cp. 16: ἔσκε γὰρ ὅντως χαλεπὸν εἶναι φωνὴν ἐχούσῃ πόλει καὶ μεῦσαν ἀπεχθάνεσθαι. καὶ γὰρ ὁ Μίνως αἰεὶ διατελεῖ κακῶς ἀκούων καὶ λαιδορούμενος ἐν τοῖς Ἀττικαῖς θεάτροις." — Nitzsch. l. l. Vol. III. p. 251. L. Stephani. l. l.

¹²⁴) Homer. Vorschule. ed. II. p. 85.

¹²⁵) cf. supra not. 32. et infra p. 53 sq.

¹²⁶) a B. Thiersch. Urgestalt des Odyssee. Königsberg. 1821. p. 125 sqq. Ad. Hermann. l. l. p. 3 sq. 14 sq. 25 sqq. Nitzsch. l. l. Vol. II. p. XLIX. Vol. III. p. 256 sq. 263.

ribus carmina coalescerent, et compositum et in Νεκύαν illatum esse perspexi ¹²⁷).

v. 565-600.

cum veteribus grammaticis plurimisque criticorum recentiorum pro supposititiis habeo ¹²⁸); in quorum virorum argumentis acquiescere in praesentia mihi commodum est ¹²⁹).

v. 631.

Θησέα Πειρίβοόν τε, θεῶν ἐρικυδέα τέκνα.

a Pisistrato intersertum esse Herceas tradit apud Plutarch. Thes. 20:

Δεινὸς γὰρ μιν ἔπειρεν ἔρως Πανοπηίδος Αἰγλῆς.

Τοῦτο γὰρ τὸ ἔπος ἐκ τῶν Ἡσιόδου Πεισίστρατον ἐξελεῖν φησιν Ἡρέας ὁ Μεγαρεύς. ὥςπερ αὖ πάλιν ἐμβαλεῖν εἰς τὴν Ὀμήρου νεκυίαν τό· Θησέα Πειρίβοόν τε κτλ.

Neque scio an idem Pisistrato tribuendum sit, quod Onomacrito, quem cum scholia dicerent illa de Hercule inter deos relato verba in Homerum iutulisse, rhapsodi aliqujus Attici loco nominatum esse vidimus ¹³⁰). Quod si ita est, versus ille de Theseo Pirithooque omnino Atheniensi alicui adscribendus est. Etenim, ut quae supra ¹³¹) disputavi repetam, cum in Homero litteris consignando probabile sit Pisistratum rhapsodis maxime Atticis usum esse, fieri non poterat, quin ii loci, qui a rhapsodis illis ad maiorem populi delectationem in Homerum inserti erant, in Pisistrateum

¹²⁷) cf. infra p. 55 sqq.

¹²⁸) Cur Herculem de hac ἀετῆσαι exemerim fusius supra Cap. II. expositum est.

¹²⁹) cf. Schol. ad v. 568. 570. 577. 593. Schol. Ven. Catal. 104. (II, 597). Schol. Pind. Ol. I, 97 (cf. Wolf. Prolegg. p. CCLXX. not. 56). B. Thiersch. Urgestalt d. Odyss. p. 69 sqq. Ad. Hermann. l. l. p. 15. 18 sqq. Nitzsch. l. l. Vol. III. p. 304 sqq.

¹³⁰) Supra p. 44.

¹³¹) p. 44.

Homeri carminum exemplar reciperentur. Itaque multos versus eosque ad res fabulasque Atheniensium spectantes interpositos esse videmus. Nam unus liber Odysseae undecimus tres complectitur interpolationes Atticas, quarum primā Phaedra, Procris, Ariadua, Theseus, Minos, Dionysus, altera Herculis ἀποθέωσις, tertia denique Theseus Pirithousque continentur. Quae interpolationes non nimio alicui Atticorum rhapsodorum interpolandi studio tribuendae sunt, cum aliis Graeciae locis eodem modo Homerica carmina vel corrupta esse vel amplificata consentaneum sit.

Sed Homerica carmina germana quin notitiam Thesei habuerint ullam dubitari nequit¹³²). Alter enim locus, qui hujus herois mentionem facit (Il. I, 265) a veteribus criticis ipsis in adulterinorum numerum relatus est¹³³).

His igitur versibus, qui sine ulla difficultate tolli possunt atque omitti, germana libri nostri forma obvoluta atque

¹³²) cf. Nitzsch. l. l. Vol. III. p. 356 sq. L. Stephani. l. l. p. 6 sq.

¹³³) cf. Wolf. Prolegg. p. XXVII. Ev. Wassenbergh. Homeri Il. lb. I et II. Franeker. 1783. not. p. 41 sq.

Neque vero solum Theseum Homerus ignorat, sed etiam perexiguam fabularum Atticarum notitiam videtur habuisse. Nam plurimos locos, qui rerum Atticarum mentionem faciunt aut veteres grammatici inter spurios numerarunt aut nosmetipsi ab Homero jure videmur abjudicare. cf. Il. II, 546 sqq. (Diogen. Laert. I, 57. Aristot. Rhet. I. 15, 13. Strab. IX. p. 394. Plutarch. Solon. 10. Eustath. et Schol. Leid. ad Il. II. 558. Herodot. Vit. Hom. cp. 28. Weleker. Episch. Cycl. p. 378 sq.) Il. III, 144 (Plutarch. Thes. cp. 21 et Schol. Venet. ad v. l.) Od. VII, 80 (Schol. Harl. et Pal. ad h. v.). —

De Attica interpolatione cf. Mueller. Homer. Vorsch. ed. II. p. 77 sqq. Nitzsch. indagandae per Homeri Odysseam interpolationis praep. P. I. Hannov. 1828. p. 28 sqq. Anmerk. zur Odys. Vol. III. p. 254. 356 sqq. Ritschl, die Alexandr. Bibl. p. 45 sq. 66. Duentzer, Homer und der epische Cyclus. Coeln. 1839. p. 25 sqq. Zeitschr. f. Alterthumsw. 1837. p. 269 sqq.

corrupta videtur ¹³⁴). Atqui cum eodem interpolationum nomine eos locos complecti possimus ¹³⁵), qui quamvis aliis aliarum rhapsodiarum versibus iisque germanis repugnent, tamen neque deleri ex Homero neque pro supposititiis haberi queant: tales libri nostri versus ut accuratius considerentur expostulant et Νεκυῶν carmen aliquando a ceterorum familia sejunctum fuisse demonstrant. Nam interpolationes illae ita comparatae sunt, ut, cum neque sine narrationis perpetuae detrimento removeri neque uni eidemque poetae tribui possint, in eam nos necessario sententiam adducant, ut librum undecimum alius auctoris esse quam decimum et duodecimum arbitremur. Quam sententiam capite quarto probare conabor.

CAP. IV.

NEKTIAN CARMEN ALIQUANDO SINGULARE FUISSE DEMONSTRATUR.

τίς τ' ἂν σφραγίσαι ἐπεὶ ἐκείνη μάλιστα;

II. I. 3.

Etsi libro Odysseae undecimo multas interpolationes contineri tales apertum sit, quales in Iliade Lachmannum dixi et Hermannum esse perscrutatos: tamen quicumque in illum librum pervestigandum incubuerunt, magnam videntur discrepantiam, quae inter Νεκυῶν ceterasque Odysseae rhapsodias intercedit, vel plane transiisse, vel leviter attigisse. Quam repugnantiam eo maioris momenti habendam esse censeo,

¹³⁴) Praeterea v. 157-159, 315 seq., 519-522 (cf. Ad. Hermann. l. l. p. 15), 525, interpolatos esse censeo; quos tamen hoc loco a me tractari non attinet. — De v. 6-8 et 22 cf. infra Cap. IV. s. f.

¹³⁵) cf. supra p. 8.

quo plura argumenta ab ipsis auctoribus antiquis tradita et Iliadem et Odysseam ex singulis quibusdam populi carminibus conflata esse demonstrent. Neque vero, ut nostrum librum tale carmen fuisse singulare probem, illa argumenta in auxilium vocabo, quamvis in Aeliani verbis, qui singulas quasdam Homericorum carminum partes earumque in numero Νεκύων separatim aliquando decantatas esse tradat, haud parvum sententiae meae subsidium positum esse videatur¹³⁶). Nam accuratius singulas Odysseae partes, si unum unius poetae carmen fuisset, cohaerere necesse erat, quam quae sic dirimeretur, ut singula ejus frustra per se intelligi et explere auditorum expectationem possent. Sed his argumentis praetermissis ea consideremus, quae ex ipso Homero petita multo plus conferant ad sententiam meam probandam.

Ac primum quidem de consilio et ratione itineris quaeramus, quod ad inferos Ulixes suscipiebat. Cujus itineris causam in Tiresia interrogando positam fuisse liber decimus et undecimus tradunt. Nam matri, quae, cur in Oreum venisset, ex filio quaesivisset, hic respondet v. 164 sq:

μητρὲς ἐμῆ, χρεῖώ με κατήγαγεν εἰς Ἀΐδαο
Ψυχῇ χρητόμενον Θηβαίου Τειρεσίαιο.

Neque differre videntur Circae verba, quibus Ulixem alloquitur X, 488 sqq:

Διογενὲς Λαερτιάδῃ πολυμήχαν' Ὀδυσσεῦ,
μηκέτι νῦν αἰκοντες ἐμῶ ἐνὶ μίμνῃτε οἴκῳ,

¹³⁶) Aelian. V. II. XIII, 14: "Ὅτι τὰ Ὀμήρου ἔπη πρότεροι διηρημένα ἦσαν αἱ παλαιοί. Οὗτοι ἔλεγον τὴν ἐπὶ ναυὶ μάχην, καὶ Δολοπίαν τινά, καὶ Ἀριστείαν Ἀγαμέμνονος, καὶ Νεῦν κατάλογον, καὶ Πατρόκλειαν, καὶ Λύτρα καὶ Ἐπὶ Πατρόκλῳ ᾄδαν καὶ Ὀρκίων ἀφάσεις. Ταῦτα ὑπὲρ τῆς Ἰλιάδος. Ἐπὶ δὲ τῆς ἐτέρας· τὰ ἐν Πύλῳ καὶ τὰ ἐν Λακεδαιμονίᾳ καὶ Καλυψίδι ἄντρον καὶ τὰ περὶ τῆς σχεδίας, Ἀλκίονος ἀπολόγου, Κυκλωπίαν καὶ Νεκύων καὶ τὰ τῆς Κίρκης, Νίπτρα, Μιχστήρων φόβον, τὰ ἐν ἀγροῦ, τὰ ἐν Λαέρτου." — cf. Dugas-Montbel, histoire des poésies Homériques. Paris. 1831. p. 13 sqq.

ἀλλ' ἄλλην ἄρ' ἔτι πρῶτον ὁδὸν τελέσαι καὶ ἰκίεσθαι
εἰς Ἰδίοιο δόμους καὶ ἱππῶν Περσεφονείης,
Ψυχῇ ἄρ' ἔτι πρῶτον ὁδὸν τελέσαι καὶ ἰκίεσθαι.

et v. 539 sq.:

ὅς [Τειρ.] κῆν τοι εἶπεν ὁδὸν καὶ μέτρα κελεύθου
νόστον δ', ὥς ἐπὶ πάντων ἐλεύσεται ἰχθυόεντα.

At magna exoritur discrepantia si cum hac itineris causa hocque consilio ea comparaveris, quae libro undecimo duodecimoque enarrantur. Causa enim consilii, quo Circa, ut ad inferos proficisceretur, Ulixi demandarat, nulla alia esse poterat, quam quod Ulixem de reditu institui utique opus esset. Quem si dea ipsa hac de re certiore facere potuisset, horribile illud iter non fuisset suscipiendum. Quod si ita est, necessario inde consequitur, ut a nullo potuerit de reditu Ulixes edoceri, nisi a Tiresia. Atqui quae ad reditum pertinent, pauca tantum Tiresias, Circa tam multa refert, ut quae sequatur narratio plane diversa sit ab ea, quam expectaverimus. Elsi enim Tiresiae vaticinium sit haud exigui momenti, multo tamen minoris habendum est ea explicatione, qua singula itineris pericula Circa aperit. Atque miratio nos subit etiam major, cum Circam videamus periculum in insula Trinacia Ulixi minitans non solum magna ex parte iisdem, quibus Tiresiam antea, verbis, sed etiam accuratius uberiusque commemorare¹¹⁷). Quae duplex ejusdem rei narratio cum per se mira est, tum offensionem habet maximam, quod eorum, quae Tiresias Ulixem doceat, summam in illa periculi in Trinacia subeundi commemoratione versari non posse demonstrat. Quid igitur restat in illo vaticinio, quod ad ὁδὸν καὶ μέτρα κελεύθου νόστον τε referre queas? Circae quidem narratio si Tiresiae esset, recte omnia sese haberent neque quemquam offenderent. In illa

¹¹⁷) XII. 127 sqq.

autem carminis forma difficultas inest ac discrepantia, quae librum undecimum non ab eo auctore, qui librum et antecedentem et subsequentem composuerit, profectum esse demonstrent. Cujus difficultatis ac discrepantiae partem non habent verba Ulixis (XI, 164 sq.):

μητρὶς ἐμῆς, χρεῖώ με κατήγαγεν εἰς Ἀΐδαν
 ψυχῇ χρησόμενον Θηβαίου Τειρεσίαν.

quorum longe alia sit ratio.

Etenim consideranti mihi, qui tolli repugnantia illa possit, liber duodecimus cum libro decimo accurate cohaerere visus est. Nam totam de Circa narrationem, qualem nunc habemus, ita principio conformatam fuisse arbitror, ut Ulixem eo ipso tempore, quo dimissionem a Circa quaereret, de reditu periculisque, quae in itiuere ipsi imminerent, a dea certiolem factum describeret. Etenim cum singula, quibus Ulixis fabula celebrabatur, carmina in unum aliquod poema coalescere inciperent ¹³⁸), librum undecimum probabile est inter librum decimum et duodecimum positum esse, quod nullus alius locus huic carmini aequè aptus videretur. Qua conjunctione diremta et difficultates illae omnes, quibus haec narrationis forma involuta est, dissolvuntur, et Ulixis illa verba:

μητρὶς ἐμῆς, χρεῖώ με κατήγαγεν εἰς Ἀΐδαν
 ψυχῇ χρησόμενον Θηβαίου Τειρεσίαν.

¹³⁸) Quod maxime factum videtur Solonis illo edicto, quo τὰ Ὅμηρου ἐξ ὑποβολῆς γέγραφα βαψυδεύσθαι, οἷον ὅπου ὁ πρῶτος ἀνέστη ἐκείθεν ἀρχεῖσθαι τὸν ἐχέμενον (Diog. Laert. I, 57). Nam rhapsodi, qui secundum rerum gestarum ordinem h. e. externa quadam conjunctione singulas et Iliadis et Odysseae partes, quarum unaquaeque ad illud usque tempus singulare aliquod carmen constituerat, recitare cogerentur, etiam intestinae utriusque carminis conjunctioni versibus aliquot interpolatis videntur consuluisse. — In verbis autem ἐξ ὑποβολῆς interpretandis plane assentior Boeckhio V. Cl. cf. ejus Iud. lect. Berolin. 1834. Corp. Inscr. Vol. II. p. 675-678. Wolf. Prolegg. p. CXL. not. 4.

οὐ γὰρ πω σχεδὸν ἤλθεν Ἀχαιῶδες οὐδὲ πω ἄμψ
 γῆς ἐπίβην, ἀλλ' αἶν' ἔρχεν ἀλάλημαι οἰζύν.

pulcherrime dicta esse intelligitur. Nam Ulixem multos annos et usque ad ultimas terras pervagatum neque ad quemquam, a quo de itinere patriaque attingenda edoceatur, profectum, quid magis consentaneum est, quam ad tantam desperationem pervenisse tantaque auxilii inopia conflictatum esse, ut, cum summo patriae uxorisque desiderio flagraret, consilium caperet in Orcum descendendi, ubi Tiresiam de reditu percontaretur?

Quod si ita est, ea quae Tiresias dicit, quoniam causam tradunt calamitatis periculorumque, quibuscum Ulixi erat dimicandum, plane expectationi nostrae satisfaciunt. Ulixis enim, cui Neptunus propter filium obcaecatum irasceretur, permultum intererat de hoc malorum auctore certiores se fieri, ut a nova ejus violatione sibi caveret. Periculi autem, quod ex bobus in Trinacia insula trucidatis Ulixi immineret vitaeque beatæ, quam degere illum reducem vates dixerat, commemorationi quantum tribuendum sit supra explicatum est ⁽¹³⁹⁾).

Sed aliud argumentum consideremus, quod Νεκυσίαν compositam non esse in ceterorum Odysseae librorum conjunctionem ostendat. Magnum enim videtur discrimen inter inferias praescriptas a Circa et celebratas ab Ulixē intercedere. Quid autem probabilius esse potest, quam caerimonias illas ac ritus, quae teneuda in Orco atque observanda Ulixi praescripta erant, cum magis stabilia fuisse, quippe usu recepta, tum Ulixi, qui salutem et reditum pendere ex iis recte celebrandis videret, graviora, quam a quibus transversum digitum discederet? Neque solet poeta in una eademque re describenda varia uti narratione ⁽¹⁴⁰⁾).

⁽¹³⁹⁾ p. 12.

⁽¹⁴⁰⁾ cf. G. Hermann, de iteratis apud Homcrum. p. 6.

Quo igitur majorem nobis existere mirationem necesse est, cum inter praecepta, quae de inferiis Circa dederat, eorumque executionem non aliquam, sed pro hujus rei gravitate permagnam diversitatem intercedere videamus? Qui enim cognoverit, quanta in rebus sacris religione Graeci fuerint, facere non poterit, quin vel minimam rituum in celebrandis inferiis observandorum mutationem illos maximum nefas habituros fuisse intelligat. Quae religio tam propria est naturae humanae, ut apud omnes populos animadverti queat. Ulixem igitur cum in Orco longe aliter agere videamus, quam e Circae mandato eum acturum esse arbitremur: quid reliquum est, nisi ut librum undecimum alius quam librum decimum auctoris esse censeamus? Discrimen autem inter utrumque librum intercedens quo magis appareat, versus utriusque narrationis conjuncte transscribam.

lb. X, 508 sq. ἀλλ' ὅποτ' ἂν δὴ νῆϊ δι' Ὠκεανοῖο περήτης
ἔνθ' —

lb. XI, 13 sq. ἣ δ' ἐς πείραθ' ἴκανε βαθυρροῦ
Ὠκεανοῖο
ἔνθα —

lb. X, 509 sq. — ἀκτὴ τέ λάχεια καὶ ἄλστα Περσέφονειας
μακροὶ τ' αἵγυροι καὶ ἰτίαι ὠλεστικάροι.

lb. XI, 14 sqq. — δὲ Κιμμερίων ἀνδρῶν δῆμος τε
πόλις τε
ἥρι καὶ νεφίλῃ κεκλιυμένοι· οὐδέ ποτ' αὐτοὺς
Ἥϊλος φάειν καταδύρεται ἀκτύνεστιν,
οὐθ' ὅποτ' ἂν τείχεσσι πρὸς οὐρανὸν ἀστερόεντα,
οὐθ' ὅτ' ἂν ἄψ' ἐπὶ γαίαν ἀπ' οὐρανόθεν προτρέ-
πηται·

ἀλλ' ἐπὶ νύξ' ὅλοη τέταται δειλοῖσι βροτοῖσιν.

lb. X, 511 sqq. νῆα μὲν αὐτοῦ κέλεται ἐπ' Ὠκεανῷ βαθυδύνῃ,
αὐτὸς δ' εἰς Αἴδεω ἕναι δόμον εὐρύνοντα
εἰσα μὲν εἰς Ἀχέροντα Πυριφλεγέσων τε ῥέουσιν
Κώκυτός τε, ὅς δὴ Στυγὸς ὕδατος ἔστιν ἀπορροή·
πέτρῃ τε ξύνεσιν τε δύνω ποταμῶν ἱριδούπων·

lb. XI, 20 sqq. νῆα μὲν εἴν' ἰλθοῖντες ἐκέλευσαν· ἐκ δὲ
τὰ μέλα

εἰδόμεν'· αὐτοὶ δ' αὖτε παρὰ ῥόον Ὠκεανοῖο
ῥομεν, ὅφρ' ἐς ἡῶρον ἀφικόμεν', ὅν φράττε Κίρκη.

lb. X, 516. εἴν' αὖ δ' ἔπειν', ἦρωε, χριμψθεῖς πέλας, ὥς σε
καλέω,

βόθρον ὀρύξαι κτλ. — v. 525.

lb. XI, 23. εἴν' ἱερήϊα μὲν Περιμήδης Εὐρύλοχος τε
ἔσχον· ἐγὼ δ' αἶσ' ὀξὺ ἐρυσταίμενος παρὰ μῆρου
βόθρον ὀρύξ' κτλ. — v. 33.

lb. X, 526. αὐτὰρ ἐπὴν εὐχῆσι λίσσῃ κλυτὰ ἔθνεα νεκρῶν
εἴν' ὅν ἄρνεϊόν ῥέζειν, θῆλυν τε μέλαιναν
εἰς Ἑρεβος στρέψας, αὐτὸς δ' ἀπονόσφι τρα-
πέσαι

ἰέμενος ποταμοῖο ῥοάων·

lb. XI, 34. τοὺς δ' ἐπεὶ εὐχολῆσι λιτῆσι τε
ἔθνεα νεκρῶν
ἐλλιστάμην, τὰ δὲ μέλα λαβὼν ἀπειδείρο-
τόμησα

ἐς βόθρον, ῥέε δ' αἶμα κελαινεφέες·

lb. X, 529. — — — εἴν' αὖ δὲ πολλὰ

ψυχὰς ἱλθύνονται νεκύων κατατρεθιγῶτων.

lb. XI, 36. — — — αἱ δ' ἀγέροντο

ψυχὰς ὑπὲξ Ἑρέβους νεκύων κατατρεθιγῶτων
[v. 38—43.]

lb. X, 531. δὴ τότε ἔπειν' κτλ. — 537.

lb. XI, 44. δὴ τότε ἔπειν' κτλ. — 50.

Non accurate utramque narrationem comparari opus est, cum, quam diversa ab altera altera sit, per se luculentissime appareat¹¹¹). Attamen facere non possum, quin moneam

¹¹¹) cf. Nitzsch. l. l. Vol. III. p. 171: Die Folge der Handlungen ist hier [X, 526—30] in der Vorschrift der Kirke weniger klar als in der Ausführung des Odysseus." — p. 194: Wenn man die obige Vorschrift der Kirke mit der hier [XI, 23—37] erzählten Ausführung derselben vergleicht, möchte man die Angabe ἀπειροτόμησα ἐς βόθρον als dem ἐς Ἑρεβος στρέψας entsprechend nehmen, und souach

Cimmerios a Circa male praetermissos esse, quorum commemoratio, cum in ipsorum territorio viciniave Orcus situs sit, pernecessaria videtur. Flumina porro, quae Circa commemorat, non parvam nobis interpolationis suspicionem movent. Qua de re cum Nitzschius accuratissime disputaverit¹⁴²), alia proferri non attinet. Neque tamen, quod vir ille doctissimus, ex hac interpolatione idem ego collegerim. Etiam si enim versum XI, 22. loci aliquam descriptionem a Circa datam postulare apertum sit, non tamen inde sequi existimarem, ut germana illius loci descriptio eâ, quam nunc contineat liber decimus, depulsa sit¹⁴³). Quid enim magis a vero potest abhorreere ea conjectura, qua in locum prioris ejusque clariae ac perspicuae descriptionis, quae etiam cum verbis libri undecimi plane convenisset, hanc posteriorem substitutam esse opinamur? Immo ad discrepantiam illam removendam alia via ineunda est. Iis enim omnibus, quae adhuc disputavimus, reputatis, dubitare non poterimus, quin et Circae illam inferiarum descriptionem suppositam esse, et librum decimum cum duodecimo accuratissime cohaesisse, et *Nexiâ* carmen singulare aliquando fuisse censeamus. Qua sententia probata omnes difficultates, quas in illis de inferiis narrationibus inesse videmus, sublatae sunt.

Ad tertium igitur argumentum, quod sententiam meam de *Nexiâ* prolata comprobat, accedamus. Nam cum de eo nequeat dubitari, quin statim principio de bello Trojano Ulixisque erroribus fabulae sic conformatae fuerint, ut de nos annos et bellum illud durasse et Ulixes vagatus esse diceretur: vigesimo anno Ulixem in patriam rediisse cum per

in "Ερεβος nur die Erdtiefe als Grube finden. Doch giebt es zwischen der Anweisung und Befolgung immer die Differenz, dafs hier das ἀνέσφι τραπέζης nicht angegeben ist; mit diesem hängt aber jenes in "Ερ. στρ. genau zusammen." — cf. eund. p. 159.

¹⁴²) I. l. Vol. III. p. 158 seqq.

¹⁴³) cf. Nitzsch. I. l. Vol. III. p. 160.

se apparet, tum multis Odysseae locis traditur ¹⁴⁴). Jam vero si quaerimus, quomodo decem illos annos, quos vagatus est, Ulixes consumpserit, eadem Odyssea hac de re accurate edocetur. Etenim Ulixem, cum ipse septem annos apud Calypsonem dicat se contrivisse ¹⁴⁵), annos ad summum tres antea vagatum esse apparet. Atqui cum in Orcum Ulixes jam ante illam in Ogygia commorationem se contulerit, inde ab ejus ex Ithaca discessu usque ad iter illud ad inferos susceptum tredecim anni praeterlapsi sunt. Unde Telemachum, qui, cum pater ex Ithaca discederet, modo natus esset ¹⁴⁶), tunc, ubi Ulixes cum matre colloquitur, annum tertium vel quartum decimum egisse consequitur.

At vehementer huic Telemachi aetati verba repugnant Anticleae, quibus Ulixem de filio praediisque certiore facit (v. 184 sqq.):

ὅν δ' οὖπω τις ἔχει καλὸν γέρας, ἀλλὰ ἔκηλος
 Τηλέμαχος τεμένῃ νύμεται καὶ δαΐτας ἔϊτας
 δαίνονται, ἃς ἐπίοικε δίκαςπόλον ἄνδρ' ἀλεγύνειν·
 πάντες γὰρ καλέουσιν.

Quae verba priusquam ostendam, quantam difficultatem praebeant interpreti, qui ea velit cum ceterorum librorum notatione temporum conciliare, paullo accuratius explicanda sunt, cum quid significant apud viros doctos nondum constare videatur. Nam hoc saltem ex copiosa illa Nitzschii de hoc loco disputatione ¹⁴⁷) intelligitur.

¹⁴⁴) cf. II, 175. III, 305. XVI, 18. 206. XVII, 327. XIX, 222. cf. I, 41. III, 86. IV, 182. XVI, 18. Nitzsch. l. l. Vol. III. p. 288.

¹⁴⁵) Od. VII, 259 sqq.

¹⁴⁶) cf. Od. XI, 447 sqq:

ἦ μὲν μιν [Πηλεῖ] εὖ μ' ἔφη γε νέη· κατελείποντο ἱμεῖς
 ἱρρόμενοι πόλεμόνδε· πᾶ' ἰς δὲ σὶ ἦν ἐπὶ μαζῇ
 ἡ πῖος. —

cf. Od. IV, 112. I, 215.

¹⁴⁷) l. l. Vol. III. p. 217 sqq.

Ad verbum *δαίνυται* quod attinet, forma media significationem comprobatur epulas convivandi, cibum sumendi. Quae significatio reliquis locis omnibus affirmatur, quibus forma hujus verbi media usurpata est¹⁴⁸⁾. Forma autem activa quattuor illis, quibus reperitur, locis¹⁴⁹⁾ epulum praebendi habet notionem. Ergo ad ea convivia, quae Telemacho praebentur, verba *δαῖτας εἶσας δαίνυται* referenda sunt. Quam sententiam verba testantur v. 186 sq:

*ὥς ἐπέοικε δικασπόλον ἀνδρ' ἀλεγύνειν·
πάντες γὰρ καλίσουσιν.*

Verbum enim *καλέειν* invitandi significationem habere notissimum est, neque hunc sententiarum nexum *ἀλεγύνειν* videtur perturbare. Nitzschius quidem illud verbum *ἀλεγύνειν* sic tantum usurpari condendit¹⁵⁰⁾, ut parandi, sibi procurandi notio in eo insit: sed accurata locorum consideratio, quibus verbum illud reperitur, in aliam sententiam nos cogit discedere. Nam quae Od. I, 374 sq. et II, 139 sq. dicta sunt:

*ἄλλας δ' ἀλεγύνετε δαῖτας
ὕμᾱ κτήματ' ἔδοντες, ἡμειβόμενοι κατὰ οἴκου.*

quidni veritas: epularum aliarum curam habete h. e. aliis epulis interesse? Quam notionem verbo *ἀλεγύνειν* subesse etiam magis apertum fit tertio loco, qui est VIII, 38 (XIII, 22):

*αὐτὰρ ἔπειτα Σοῆν ἀλεγύνετε δαῖτα
ἡμῆτερόνδ' ἐλθόντες.*

h. e. deinde vero subitam coenam sumite (seht euch nach einem schnellen Mahle um h. e. efst geschwinde).

¹⁴⁸⁾ Od. I, 228. 369. II, 247. 311. III, 66. 471. IV, 15. 238. VI, 50. VII, 203. VIII, 243. IX, 162. 557. X, 9. 61. 184. 452. 468. 477. XII, 30. 398. XIII, 26. al. al.

¹⁴⁹⁾ II. IX, 70. XXIII, 29. Od. III, 309. IV, 3.

¹⁵⁰⁾ l. l. Vol. III. p. 218. cf. Vol. I. p. 109.

In verbo igitur ἀλεγύνειν curam vides inesse talem, qualis in eo potissimum versetur, ut ὁ ἀλεγύνων cibum sibi acquirat sive ut edat. Itaque hoc verbum eodem, quo μιμνήσκεισθαι, modo de edendo usurpatur. Ut enim μιμνήσκεισθαι non solum memorem esse, sed eam maxime actionem, quae inde efficitur, significat¹⁵¹): ita ἀλεγύνειν tantum abest, ut meram curam in epulis apparandis positam complectatur, ut cum vocabulo δαῖτα conjunctum nullam nisi edendi notionem habeat.

Quod si ita est, omnia clara sunt ac perspicua. Haec enim existit illorum versuum sententia: quietus Telemachus agros administrat et justas epulas, quibus par est principem (regem) interesse, epulatur; omnes enim eum invitant. Ad quam interpretationem defendendam haec monenda videntur. Primum enim verba τέμετη νέμεται nihil aliud posse significare quam „agros administrat” inde intelligitur, quod Laertes, cujus unius, cum Penelopa, quippe mulier, Ulixis bona administrare non posset, agrorum procuratio fuisset, filii absentis dolore confectus ruri vitam degere perhibeatur. Quod, nisi Telemachus κύριος fuisset, poeta omnino non dixisset. Verba dein δικαστόλον ἄνδρα sum interpretatus „principem s. regem”, quod omnis jurisdictio heroicis quidem temporibus apud reges potissimum fuisse constat¹⁵²).

¹⁵¹) μιμνήσκεισθαι: δαιτὸς (Od. XX, 246.) δόρπου (Od. IV, 213. Il. XXIV, 601.) σίτου (Il. XXIV, 129. 602.) θυρίδος ἀλκῆς (Il. XI, 287. al.) εὐπῆς (Il. XXIV, 130.) — δόρπου μῆστις ἐπν (Od. XIII, 280.) — μέδισθαι: δόρπου (Il. XVIII, 245. XXIV, 2.) δίκου (Od. XIX, 321.) σίτου (Il. XXIV, 618 sq.) θυρίδος ἀλκῆς (Il. IV, 418. V, 718. al.) νόστου (Il. IX, 622. Od. XI, 110. XII, 137) κοῖτου (Od. II, 358. III, 334.) πόλεμοιο (Il. II, 384. IX, 650.) al. al.

¹⁵²) cf. Il. I, 238. Hymn. in Cer. 103. 473. Ed. Platner, notiones juris et justitiae ex Homeri et Hesiodi carminibus explicatae. Marburg. 1819. p. 92. 96. Nitzsch. l. l. Vol. III. p. 219 sq.

Ex mea igitur eaque vera, quantum video, totius loci interpretatione ^{152a}), Telemachum habes et praedia regia administrantem et regis muneribus officiisque fungentem. Atque eos ipsos viros, qui in versibus illis explicandis aliqua ex parte a me dissentiunt, fere eundem sibi, quem equidem, Telemachum fingere video ¹⁵³), ita ut dubitari nequeat, quin Νεκυίας poeta Ulixis filium talem describere voluerit, qualem modo adumbravimus. Atqui cum eo tempore, quo apud inferos Ulixes versabatur, Telemachum neque ex pueris excessisse, quippe qui quattuordecim ad summum annos natus esset ¹⁵⁴), neque ullam regiae potestatis partem suscepisse manifestum sit ¹⁵⁵): discrepantia inter librum undecimum ceterosque intercedit, quae tolli nequeat nisi singulare carmen aliquando Νεκυίας fuisse concesseris.

Quamquam quaeris fortasse, num licitum sit ex paucis verbis tantam facere conclusionem, et ad eos te applicas, qui, cum interpretando conciliari cum reliqua Odysseae χρονολογία verba illa Anticleae nequeant, ad conjecturam fugiendum esse opinentur ¹⁵⁶). At conjectura quominus discrepantiam illam tollere studeamus, cum alia argumenta impediunt, tum haec Agamemnonis verba (v. 447 sqq.):

^{152a}) cf. O. Mueller, Dor. II. p. 105. not. 5. Chr. Koch, loca quaedam Homeri e Tacito illustrata. Marburg. 1819. 4. Cap. I. et Fr. Passowii censuram illius libri Jen. Lit. Zeit. 1820. Ergänzungsbl. no. 88. p. 313 sq.

¹⁵³) Platner. l. l. p. 92. 103. Nitzsch. l. l. Vol. III. p. 217 sqq.

¹⁵⁴) cf. supra p. 62 sq.

¹⁵⁵) cf. Nitzsch. l. l. Vol. III. p. 218: In Ithaka war jedenfalls eine Zeit des Interregnum. Telemach ist noch nicht wirklich König (I, 386 sq. 392-94. [XV, 534 sq.]) und verrichtet zur Zeit auch nicht anstatt des Vaters das was des Königs ist." —

¹⁵⁶) cf. Nitzsch. l. l. Vol. III. p. 220.

ἡ μὲν μιν [Πηνελ.] νύμφην γε νέην καταλείπομεν ἡμεῖς
 ἐρχόμενοι πόλεμόνδε· πάντες δὲ οἱ ἦν ἐπὶ μαζῶν
 ἰνέπιος, ὅς σου νῦν γε μετ' ἀνδρῶν ἵζει ἀρσινόῃ.

quibus se eandem, quam Anticleam, temporis rationem sequi ostendit. Quae Agamemnonis verba cum, eorum quae antea Ulixis mater dixerat ratione habita, alicui veritatis superlacioni tribui nequeant ¹⁵⁷): quid tandem reliquum est, nisi ut ex libri undecimi auctoris sententia iter illud ad inferos non septem annos ante Ulixis in Ithacam reditum susceptum esse opinemur?

Jam vero si a ceterorum librorum conjunctione nostrum librum separaveris, atque alio tempore iter illud factum esse statueris, nihil verba neque Anticleae neque Agamemnonis, quo offendant, habebunt. Quid? anno septimo post Trojam captam cum Ulixem in Orco fuisse sumimus, non solum ambo illi, quos modo tractavimus, loci bene sese habent, sed etiam me recte de illius itineris causa disputasse ¹⁵⁸) apparet. Nam si illo tempore Ulixes ad inferos profectus est, Telemachus, quippe annos natus duodeviginti, sane dici poterat et *δικασπέλου ἀνδρὸς* muneribus functus esse et praedia regia patrisque bona administrasse.

Dixerit quidem aliquis meae de tempore, quo Ulixes in Orcum descenderit, sententiae vocabulum ἐψέ (v. 114) refragari, ut quo ad spatium trium annorum significandum male poeta usus sit. Sed notionem illius verbi, quod et spatium paucarum horarum et complurium annorum complecti possit, per se incertam esse atque vagam apertum est. Itaque is demum de recto vocabuli ἐψέ usu judicare poterit, qui ejus spatii, ad quod vocabulum illud referendum est, rationem habuerit. Quid vero obstat, quominus Ulixem, si nefas illud in insula Trinacia commissum non

¹⁵⁷) cf. Nitzsch. l. l. Vol. III. p. 275.

¹⁵⁸) Supra p. 58 sq.

fuisset, duobus mensibus vel tribus post illud cum Tiresia colloquium rediturum fuisse arbitremur? Cui trium mensium spatio si tres illos annos comparaveris, quin ὃψ' Ulixem ad patriam reversurum fuisse dicas, non dubitabis.

Librum igitur Odysseae undecimum separatim esse factum ex iis, quae hactenus tractavi, argumentis constare videtur. Reliquum est, ut, quae prima fuerit eademque germana huius libri forma, breviter exponam. Prima autem carminis alicujus singularis forma aut tantopere immutata esse, ut restitui prorsus nequeat, aut tot ae tantis accessionibus oblecta esse potest, ut ad eas removendas oculis opus sit acutissimis. Nam cum carmina Homerica separatim facta in unum aliquod poema sensim connecterentur, nihil potest veri esse similis, quam sive rhapsodos sive eos, qui illa carmina disponent, de duritia, asperitate, repugnantia, quas existere ex illa conjunctione necesse erat, amovendis summo esse studio annixos. Quare ne tum quidem sententia mea quidquam detrimenti caperet, cum omnes loci, qui aliorum librorum rationem habent, cum reliqua Νεκυΐας parte arctius cohaerent, quam qui tolli inde sine incommodo possent. Quamquam et germana forma Νεκυΐας restitui, et versus ejus alios libros respicientes convelli facile queunt. Quid enim impedit, quominus versum sextum, septimum, octavum ejiciamus? Elpenoris descriptionem diaseuastae esse supra copiose explicatum est, et Ulixis cum Phaeacibus colloquium ne ii quidem germanum habuerunt, quorum sententiae, qua Odysseam unum unius poetae carmen perhibent, illius loci integritas magnum firmamentum attulisset. Versum quidem vigesimum secundum

ἤοιμεν, ὃφρ' ἐς ἧῳρον ἀφικόμεσθ', ὅν φράττε Κίρκη.

etsi non sic possumus omittere, tamen, cum flumina a Circa commemorata respiciat, ex interpolatione oriundus videtur¹⁴⁹).

¹⁴⁹) cf. p. 62.

Sed alia quoque ratione, si cui tantopere Νεκυία inhaerere v. 22 videatur, ut sine incommodo convelli nequeat, cum mea de toto libro undecimo sententia et vv. 6-8 et v. 22 possum conciliare. Nam cum de Ulixis erroribus fabulam iis carminibus, quae nunc Odysseam efficiunt, neque ortam neque primum celebratam esse apertum sit: quid obstat, quominus Νεκυίας poetam, sive primus Ulixem ad inferos proficiscentem descripsit, sive ille in Orcum descensus jam antea notus fuit, ab Aeaea Ulixem navigantem ad Tiresiam sibi finxisse censeamus? Atque ne hoc quidem ab illo poeta esse inventum necesse est, sed ex antiquioribus aut carminibus aut populi narrationibus desumptum esse potest. Quod etsi contenderim, tamen undecimae rhapsodiae auctorem ejus fabulae formae, quam lb. X et XII praebeant, ullam notitiam habuisse prorsus nego. Nostri enim libri poeta ab Aeaea quidem Ulixem, sed sponte in Orcum, quamvis instructum a Circa, profectum esse sibi finxit. Nam Ulixes, cur in Orcum venisset, a matre interrogatus, si Circae jussu adesset, hanc rem commemorasset neque sola necessitudine coactum se ad inferos profectum esse dixisset.

Quomodoenque autem res sese habet, neque Νεκυίας poetam libri decimi et duodecimi, neque horum librorum auctorem (sive auctores), quippe qui a Circa Ulixem de periculis in reditu subeundis edoctum descripserit, Ulixis ad Orcum profecti ullam notitiam habuisse constat ¹⁶⁰). Unde sequitur, ut iis saltem temporibus, quibus carmen τὰ τῆς Κίρ-

¹⁶⁰) Quomodo hiatum, quem exoriri libro undecimo a veterum familia segregato necesse est, tollamus meum non est hoc loco explicare. Id tantum moneatur, et in fine lb. X et initio lb. XII facile diasceustarum manus posse agnosci. Nam iis versibus, qui Νεκυίας rationem habent, una cum hac ejectis tria convivia sese deinceps excipiunt. cf. X, 466 sqq. 475 sqq. XII, 28 sqq. cf. supra p. 19.

καὶς celebrans componcretur, fabula, quae libro XI. contineatur, nisi certis quibusdam Graeciae locis cognita non fuerit.

CAP. V.

PAUCA QUAEDAM DE NEKTIAΣ PATRIA PROFERUNTUR.

τίς, πόθεν εἶς ἀνδρῶν; πόθεν τὰς πόδας ἔδωκεν;
Od. X, 325.

Cum Νεκυΐαν carmen separatim factum et Ulixis in Orcum descensum non nisi certis aliquibus Graeciae locis cognitum fuisse intelligerem: quo loco carmen illud ortum esset, quantum fieri posset, investigare operae pretium arbitrabar. Etsi enim jam antiquissimis temporibus in patria Homeri investiganda studium idque multo prius positum sit, quam in critica Iliadis Odysseaeque tractatione: tamen ad hunc usque diem nihil, quod certum sit rationibusque firmatum, hac de re comparatum est. Nam quod veteribus illis criticis, qui ei quaestioni operam navarunt, accidisse videmus, id nostris quoque temporibus observari licet, quibus in diversissimas de Homeri patria sententias viri docti abierunt. Quae quidem dissensio, cum in difficultatibus, quibus illa quaestio obvoluta est, posita videretur, ita me perterrebat, ut virium mearum ratione habita animum a proposito plane revocarem. Sed accuratius illarum difficultatum naturam reputanti mihi et fiducia et consilium redierunt. Nam cum in eo omnes consentirent, nisi HomERICA carmina nos, quo de ipsorum patria fieremus certiores, nihil habere ¹⁶¹),

¹⁶¹) cf. Heyne II. Tom. VIII. p. 820. 822. Rob. Wood, Versuch über das Originalgenie des Homer, aus dem Engl. (von Michaelis.)

et eum apertissima suae originis indicia prae se ferre *Nexvía* videretur: aliquid saltem ad illam de Homeri patria controversiam dirimendam me conferre arbitrabar, si, quae de undecimi Odyssaeae libri patria sentirem, viris doctis exponerem.

Jam vero cum non ab uno poeta totam Odysseam compositam esse, sed pluribus carminibus constare existimem, haec mea disquisitio nihil aliud persequetur, quam ut hujus unius, de quo disputamus, libri patriam indaget. Homeri igitur patriam nisi *Nexvías* nullam aliam intelligo.

Lachmanni autem et Hermanni de Homero qui sequentur sententiam, ii, quae de illius poetae patria scriptores veteres tradant, tantopere sibi neque torquenda neque negligenda esse intelligent, quantopere iis, qui unum Homerum profiteantur. Fugere enim quemquam nequit conjunctio inter notram de Homero sententiam easque narrationes intereedens, quae tot urbes Homerum suum vindicantes pugnasse inter se atque contendisse referunt. Facile enim percipitur illas urbes Homerum suum esse confirmasse, quod Homerica carmina apud se aut recitarentur pridem aut aliqua saltem ex parte orta essent. Quod cum ita sit, non solum discrepantias, quae in Iliade et Odyssaea insunt, sententia nostra tollit, sed etiam eum iis, quae de poetarum principis patria traduntur, optime congruit.

Versabitur autem haec quaestio in eo, ut, de patria sua quae *Nexvía* ipsa prodat, exponantur. Neque melius haec disputatio institui poterit, quam si viam, qua illius rhapsodiae patriam indagarim, describam.

FRKF. a. M. 1773. p. 32 sqq. Zusätze zu Rob Wood cct. ibid. 1778. p. 48. Jac. Bryant, Abhandlung vom troj. Kriege aus d. Engl. von G. H. Nöbden. Braunschweig. 1797. 8. Payne-Knight. l. l. p. 15. — B. Thiersch, Ueber das Zeitalter und Vaterland des Homer cct. ed II. Halberst. 1832. p. 65 sqq.

Duae imprimis res, quo loco carmen illud ortum esset, aperire posse videbantur, materia *Nexiás* et forma. Atque materia quidem, quod poetam, qui, ut delectationem auditoribus afferret, maxime spectaret, eas potissimum personas, quae illis et notae essent et gratae, carmine suo descripsisse probabile est ¹⁶²). Quod cum in omnia carmina tum in ea cadere videtur, quae non heroum res gestas referunt, sed fabulas eorum non nisi strictim attingunt. Nam res, quae describuntur, tantam per se ipsas delectationem habere possunt, ut non a quibus gestae sint, sed quomodo consideres. Mera autem personarum enumeratio iis tantum auditoribus grata esse acceptaque potest, quibus non modo cognitae illae sunt, verum etiam populares. Quod de auditoribus, idem de poeta valet.

Atque quo longius in considerata Graecae poesis historia recedimus, eo plures poetas in patriis fabulis tractandis fere solis occupatos invenimus. Neque hoc mirum. Nam antiquissimis temporibus cum neque singulae Graeciae civitates arctius inter se essent conjunctae, neque unius stirpis fabulae poetarum carminibus celebratae ceteris omnibus tam notae essent, ut non aliter quam patriae haberentur: et singulae civitates suam proprietatem magis, quam postea fieri poterat, retinebant, et poetae carminum materiam ex suae ipsius gentis fabulis petebant.

Quo erga patrias fabulas amore et auditorum et poetarum factum est, ut tot versus in Homeri carmina interponerentur, qui patrias diasceuastarum fabulas tractant ¹⁶³). Neque alia ratione Stesander Samius, qui *πρώτος ἐν Δελφοῖς κιθαριζῆσαι τὰς καθ' Ὅμηρον μύθας* dicitur, commotus est, ut ab Odyssea recitandi exordium caperet ¹⁶⁴). Nam Ulixis

¹⁶²) cf. Nitzsch. Meletem. I. p. 126.

¹⁶³) cf. supra p. 9 (not. 17). 43 sq. 53 sq.

¹⁶⁴) cf. Athen. XIV. p. 638. A. B.

fabula propius, quam Achillis, ad Delphos pertinebat. Clisthenes ῥαψωδὸς ἔπαισε ἐν Σικυῶνι ἀγωνίζεσθαι τῶν Ὀμηρείων ἐπέων ἐνεκα, ὅτι Ἀργεῖοί τε καὶ Ἄργος τὰ πολλὰ πάντα ὑμνέεται¹⁶⁵). „Sed iidem, quos Clisthenes Sicyone amplius audiri noluit, invisa illi carmina domi sine dubio magis etiam celebrarunt. Sequamur fugatos domum redeuntēs. Ibi in Argolide, nisi omnia fallunt, Homeri laudatores imprimis veteresprehendimus. Nam si indicia quaerimus, quae Homeri poesi post Lycurgum in Peloponneso notam fuisse prodant, inter cyclicos priores Hagiam Troezenium invenimus, qui omissis erroribus Ulixis Atridarum jurgia et reditus infau-
stos, Cepharidas Nauplii execrationibus et dolis fatales, denique salvum in paucis Diomedem, cui Troezene paruerat, in Nostis cecinit.“¹⁶⁶) — Neotichii, Cymae, cujus cum Boeotia conjunctio intima erat, coloni apud se Ἀμφιαράου ἔχλασιν compositam esse ferebant¹⁶⁷). Quid? Cinaetho Lacedaemonius, Asius Samius, Eumelus Corinthius, Chersias Orchomenius, qui inter antiquissimos poetas epicos numerantur, nulla alia ratione commoti patrias imprimis fabulas tractaverunt, quam quod et sibi ipsis et iis, in quorum delectationem carmina sua componebant, illae fabulae jucundissimae essent¹⁶⁸). Pindarus juvenis a Corinna, quod nullas fabulas in carminibus commemorasset, reprehensus hymnum composuit, cujus primi versus fere totam Bocotorum mythologiam complectebantur¹⁶⁹). Corinnae denique ipsius quae

¹⁶⁵) Herodot. V, 67. cf. Nitzsch. Meletem. I. p. 154 sqq.

¹⁶⁶) verba sunt Nitzsch. Meletem. I. p. 155.

¹⁶⁷) Herod. Vit. Hom. cp. 9. Welcker. Episch. Cycl. p. 201 sq. 206. 207 sq.

¹⁶⁸) cf. O. Mueller, Geschichte der gr. Litteratur. Breslau. 1841. Tom. I. p. 177 sqq. Marckscheffel. Hesiodi, Asii Samii, Cinaethonis al. fragmenta. Lips. 1840. p. 216 sqq. 245 sqq. 259 sqq. 261 sq.

¹⁶⁹) cf. Frgm. hymn. I. ed. Boeckh.

supersunt fragmenta fere omnia ad feminarum Boeotiarum laudes pertinent.

Materia autem nostri libri etiam alia nos docet. Nam cum quaerem, ubi maxime placere *Νῆκυια* debuerit, ii summam inde delectationem percepisse videbantur, qui et Orcum magnopere venerarentur, et apud se esse ad inferos aditum perhiberent. Neque profecto poeta ad tale carmen componendum adductus fuisset, nisi aut ipse, aut ii, coram quibus ille canebat, tales mortuorum consultationes suis oculis vidissent. Neque ut Tiresiae, cujus consulendi causa horribile illud ad inferos iter Ulixem suscipere oportebat, tantae partes tribuerentur, quantae ceterorum mortuorum nemini, ullam aliam ob causam fieri potuit, nisi quod poeta ejusque auditores arctiore aliquo cum Tiresia vinculo conjuncti essent. Tiresias enim non solum ex omnibus vatibus, verum etiam ex omnibus mortuis solus sapit; unde necessario quodammodo Homerum Tiresiae fuisse popularem colligimus ¹⁷⁰⁾. Quod si ita est, Boeotiam ¹⁷¹⁾ esse libri Odys-

¹⁷⁰⁾ „Wenn auch Odysseus nur den Teiresias, einen Wahrsager an sich schon, befragen will, so muß doch wohl das wirkliche Bestehen von Todtenörakeln den Dichter zu der ganzen Idee gebracht haben.“ Voelcker. Allg. Schulz. 1811. II. p. 1166. — „Da wir wissen, daß es in Boeotien wenigstens Ein Orakel des Teiresias gab, wenn auch nicht mehrere, so kann Homer auf seine Angabe von der jenem auch im Tode gebliebenen Scherkraft vorzüglich durch jenes Orakel geführt worden sein.“ Nitzsch. Anmerk. Vol. III. p. 151. cf. ibid. p. 168 sqq. — „Andrerseits halten wir fest, daß der Dichter von einem Psychopompeion eine Ueberlieferung gehabt haben müsse. — Beides, daß die sonstigen Todten des νεῖς gänzlich entbehren, und daß auch von den verstorbenen Sehern allein dem Teiresias jene Auszeichnung wird, würde sich durch die Annahme gut erklären, daß Homer von einem Orakel des Teiresias vernommen gehabt habe.“ Nitzsch. ibid. p. 169 sq. cf. ibid. p. 307.

¹⁷¹⁾ h. e. ea terra, quae postea Boeotia appellata est. Pari ratione Boeotorum nomine usus sum.

seae undecimi patriam verisimile videtur. Ad eandem sententiam adducemur, si, quatenus Graeciae pars et Plutonium Proserpinamque maxime venerata sit, et plurimas necromantias habuerit¹⁷²⁾, quaesiverimus. Oraacula enim Amphiarai Thebis et apud Oropum fuerunt¹⁷³⁾, Tiresiae ad fontem Tilphosam juxta Haliartum et Thebis¹⁷⁴⁾, Trophonii Lebadeae¹⁷⁵⁾; Coroneae denique in Orcum introitus esse dicebatur¹⁷⁶⁾. In Boeotia autem Orci venerationem floruisse etiam Thebae et Orchomenus, illius terrae capita, ostendunt, quae plurimi videntur Plutonium Proserpinamque fecisse. Thebae enim Proserpinae urbs appellantur¹⁷⁷⁾, et Orchomenus quantopere Orcum venerata sit, Minyae satis probant. Qua de re O. Muellerus haec disputat¹⁷⁸⁾: Wenn ich die Genealogien der Pylischen Minyer betrachte, so sehe ich wie der Kultus des Hades hineinspielt, dessen Tempel bei

¹⁷²⁾ Τὰ γὰρ ἄλλα τι δὲ λέγει, ὅπου γὰρ τὴν Βοιωτίαν ἔνεκεν χρηστηρίων πολὺ φησὶν εἶσαν ἐν τοῖς πρὶν χρόνοις εἶν ἐπιλιθαι κεκοιμηθῆ. Porphyr. ap. Euseb. Praep. evang. p. 255. C. (ed. Colon. 1688. fol.) cf. O. Mueller. Orchom. p. 145 sqq.

¹⁷³⁾ cf. infra not. 209. et Stuhr, Religionssysteme der Hellenen. p. 92 sq.

¹⁷⁴⁾ cf. Strab. IX. p. 411 (= 264). Pausan. VII. 3, 1. IX. 18, 3. Plutarch. de defect. orac. 44. O. Mueller. l. l. p. 47. 72. 148. 223. Nitzsch. l. l. Vol. III. p. 149. 151.

¹⁷⁵⁾ cf. Herod. VIII, 134. Pausan. IX. 34 sqq. Hemsterh. Lucian. Tom. II. p. 411. ed. Bipont. O. Mueller. l. l. p. 150 sqq. 160. Stuhr. l. l. p. 91 sq.

¹⁷⁶⁾ Pausan. IX, 34, 4.

¹⁷⁷⁾ apud Schol. Euripid. Phoen. 688. cf. O. Mueller. l. l. p. 217. - Acragas, Aegidarum Thebaicorum colonia, eodem nomine nuncupatur apud Schol. Pind. Ol. II, 16.

¹⁷⁸⁾ apud Buttmann. Mythologus. Berlin. 1829. Vol. II. p. 215 sq. not. cf. O. Mueller. Prolegg. zu einer wissensch. Mythol. Goetting. 1825. p. 242 sq. 306.

Pylos Triphylakos lag; daher der Gott auch Stadtschirmer ist gegen Herakles; darum ist Persephone, Minyas Tochter, Ahnfrau der Pylischen Koenige ¹⁷⁸⁰): und wenn andere Klymene für Persephone nennen, oder Pylos Sohn des Orchomenischen Klymenos, so ist dies ganz einerlei. Denn Κλύμενος heisst Hades, nicht blos in einem Epitheton ornans, sondern ganz eigentlich, wie im Hymnus auf die θεὰ χθόνιος von Hermione.“ Cum Muellero sentit Buttmannus, qui dicit ¹⁷⁹): Der Klymenos der Minyschen Mythen oder der Heros dieses Namens ist, wie aus der Analogie erhellt, einerlei mit dem gleichbeauten Gotte, dessen Mythen hier allmählich abgestreift sind. Ebenso ist mit ihrem eigentlichen Namen die Goettin selbst aus diesem Kreise, die Persephone, in einen obern Theil eben dieser Genealogie aus einem verschiedenen Mythos getreten. Hieraus erwächst ein schwacher Lichtfunken für die so zweifelhaft auftretende Klymene, Tochter des Minyas, welche zugleich Großmutter des Jason ¹⁸⁰) ist, und also aus irgend einer uns noch dunklen Ursache an der Spitze der Argonauten-Genealogie steht.

¹⁷⁸⁰) cf. Pherecyd. ap. Schol. Od. XI, 281. (Sturz. no. 26. p. 126.)

¹⁷⁹) I. I. p. 216.

¹⁸⁰) Nomen Jasonis idem est quod Plutonis. Nam Ιάσων non differt a forma Ιάσων, Ιάσιος, Ιασίης. cf. O. Mueller. Orchom. p. 265. Cum Jasione autem s. Plutone Ceres concubuisse dicitur. cf. Od. V, 125 sqq. Hesiod. Theog. 969 sqq. ibiq. Wolf. (qui affert Perizon. Ael. V. II. XIII, 1. Intpp. ad Hygin. Fb. 250.) Stuhr. I. I. p. 290 sq. Simili ratione permutantur Γλαύκων (Plat. Jon. p. 530. Aristot. Rhet. III, 1.) et Γλαῦκος (Schol. Ven. II. I, 1. XI, 635.); Ικάριος (Apollod. I. 9, 5.) et Ικαρίων (id. III, 10, 5), Λάμπρος (Hom. Il. III, 147) et Λάμπων (Apollod. III, 12, 3), Λύκος, Λύκος et Λύκιος (Ruhnck. ad Rutil. Lup. II, 7. p. 99.), Κάλλιςτος et Καλλιστίων, Κυναιβών et Κύναιβος al. al. cf. Hemsterh. ad Aristoph. Plut. p. 206. — cf. not. 202.

Ohne Zweifel führte Persephone auch den Beinamen, der dem ihres Mannes entsprach, Klymene. Eben so passende Benennungen für dieselbe sind die Formen Periklymene und Eteoclymene¹⁸¹⁾, in welche sie sich in der mythischen Genealogie zerspalten hat. — Ich füge hinzu, daß ohne allen Zweifel eine weitere Umwandlung dieser Geschichte [Herculis cum Plutone pugnae] in dem Neleus liegt, der so offenbar ein Beiname dieses Gottes ist, der als Heros in den Fabelkreis und die Genealogie der Minyer getreten ist; und dessen vornehmster Sohn in den Herakles-Mythos wieder nach dem Namen des Gottes Periklymenos heißt.“ —

Cum igitur totam Boeotiam et capita ejus imprimis Orci cultu excelluisse viderimus, materia *Naxiās*, quippe quae in Ulixē ad inferos descendente Tiresiamque consulente versetur, tum auditores Boeotos, tum poetam Boeotum indicat. Quam conjecturam nostram accurata earum personarum, quibuscum Ulixes colloquitur, consideratio firmat. Nam omnes illae personae ex Minyarum Thebanorumque fabulis desumptae sunt¹⁸²⁾.

Tiresias enim, qui, ut primus advenit, ita primas partes agit, Thebanus est (v. 90 sqq.).

Tyro, Salmonei filia, Crethei patris uxor. Quae, cum Enipeum fluvium flagraret, in ejus littore ambulans e Neptuneo Enipei formam induente Peliam et Neleum filios suscepit. Cretheo autem Aesonem, Pheretem et Amythaonem genuit (v. 235 — 259). Pertinet sane haec fabula ad Thes-

¹⁸¹⁾ cf. infra p. 82 sq.

¹⁸²⁾ In singularum personarum enumeratione, quam instituturus sum, eas omittam, quae ex interpolatione oriundae sunt (Elpenorem, Ledam, Phaëdam, Procridem, Ariadnam, Minoa, Orionem, Tityum, Tantalum, Sisyphum.). Neque hac in re Anticliae, Agamemnonis, Achillis, Ajacis habenda est ratio, quippe qui a quovis, cui quidem Ulixis fabula nota erat, commemorari potuerint.

saliā, ubi Salmoneus habitabat¹⁸³⁾ et Enipeus fluebat¹⁸⁴⁾; sed tota illa Thessaliae pars Minyeia est. Quam rem cum accuratissime O. Muellerus tractarit¹⁸⁵⁾ me iterum perquirere non opus est; sed Tyrus ejusque liberorum fabulas esse Minyeias demonstrabo. Jolci enim Pelias habitavit, cujus insidiae Aesonem, Jasonis patrem, ut se trucidaret, commovisse dicuntur. Jasonis autem fabula, quam Peliae Aesonisque commemoratio in mentem nobis revocat, earum omnium, quae cum Tyrus nomine cohaerent, celeberrima est¹⁸⁶⁾ tamque arcte cum Minyis Orchomeniis conjuncta, ut Argonautae ipso Minyarum nomine appellentur. Quod non ea tantum de causa factum est, „quod Minyae ex Orchomeno circa Jolcum consederant, aut quod principes inter Argonautas cum Jasone (si quidem ille ex Clymena, Minyae filia, natus fuit¹⁸⁷⁾) a Minyae filiabus oriundi erant“¹⁸⁸⁾, sed quod re vera erant Minyae¹⁸⁹⁾.

¹⁸³⁾ cf. Apollod. I. 9, 7. Nitzsch l. l. Vol. I. p. 133.

¹⁸⁴⁾ cf. Herod. VII, 129. Thucyd. IV, 78. Ovid. Met. VII, 229. Schol. Apollon. Rhod. I, 36. Heyn. Obs. ad Apollod. p. 60. Nitzsch. l. l. Vol. I. p. 133. Vol. III. p. 231. — Enipeum Eliadem intelligit O. Mueller. Orchom. p. 371.

¹⁸⁵⁾ Orchom. p. 133sq. 141. 161 sq. 170. 175. 192 sq. 234 sq. 248 sq. 258 sq. cf. Buttmann. l. l. p. 207.

¹⁸⁶⁾ cf. Od. XII, 69 sq. Il. VII, 468 sq. XXI, 41. XXIII, 747.

¹⁸⁷⁾ cf. O. Mueller. Orchom. p. 257. not. 1.

¹⁸⁸⁾ „ut Apollon. I, 229 sq. docet, apud cujus Schol. stemma editur Minyae, add. Schol. Piud. Isthm. I, 79. v. Munk. ad Antonin. Lib. XXVI. p. 172. Meziriac. [Commentaires sur les épîtres d'Ovide. à la Haye. 1716.] Tom. II. p. 56 sq. Perizon. ad Aelian. V. H. III, 43.“ Heyn. Obs. ad Apollod. p. 73.

¹⁸⁹⁾ cf. O. Mueller. l. l. p. 261: höchst eigenthümlich sind dem Mythos [von den Argonauten] die Orchomenischen Namen (Tztz. Lycophr. 874. p. 851. ich weiß nicht woher αἱ πλείους ἐξ Ὀρχομενῶ τοῦ

Quattuor feminae, quae post Tyro nominantur ex Thebanorum fabulis depromptae sunt:

Antiopa, Asopi¹⁹⁰⁾ filia, Amphionis et Zethi¹⁹¹⁾, qui Thebas condiderunt, mater. (v. 260-265).

Alcumena, Amphitryonis uxor, Herculis mater (v. 266-268.).

Megara, Creontis filia, Herculis uxor (v. 269 sq.).

Epicasta, Oedipi mater¹⁹²⁾ (v. 271-280.).

Minyas). Ueberhaupt ist es ein Rest alter Sage, daß es nicht eigentlich die Minyer Thessaliens sind, sondern Orchomenos, der reiche und herrliche Hauptsitz des Stammes, auf welchen die Fahrt der Helden ursprünglich zurückbezogen wird: so daß auch hier die innigste Verbindung der Orchomenischen Königsburg mit den Kretheiden Thessaliens klar wird.“ — cf. eund. p. 258 sqq. Buttmann. l. l. p. 203 sqq.

¹⁹⁰⁾ fluvii apud Thebas. cf. Il. IV, 383. X, 287. Callimach. in Del. 77. ibiq. Spanhem.

¹⁹¹⁾ cf. O. Mueller. l. l. p. 230 sq.: ganz besonders merkwürdig scheint mir die Verwandtschaft dieses Geschlechts mit den Minyern. Lykos und [sein Bruder] Nykteus [nach Einigen Vater der Antiope] verlassen Euboea, weil sie durch Phlegyas Mord Blutschuld auf sich geladen haben; sie wohnen zu Hyria, einer unbezweifelt Minyischen Stadt. Beide, Phlegyas und Amphion, bestürmen den pythischen Tempel und werden dabei erschlagen (Hygin. Fb. 9.). In der Minyas kam die *Τίανος* des Amphion vor (Pausan. IX. 9, 4.). Und endlich ist nach allen diesen Spuren wohl auch zu zweifeln, ob, wenn auch schon die epische Poesie den Dioskuren Amphion von dem Sohne des Jasos, dem mächtig waltenden Könige der Minyer unterscheidet (Od. XI, 261. 282. vgl. Il. XXIV, 600) doch nicht beide in der ältern Sage zusammenfallen, wie eben in der spätern, die die Orchomenierin Chloris unter den Töchtern des Thebäischen Amphion aufzählt (s. Heyne Apollod. Obs. p. 61. 240.).“

¹⁹²⁾ etiam inter hanc et Minyas aliqua conjunctio intercedit cf. Pherecyd. ap. Schol. Eurip. Phoen. 53. Apollod. III. 5, 8 Pausan. IX. 5, 8. O. Mueller. l. l. p. 191. 208. 226. Nitzsch. l. l. Vol. III. p. 237 sq.

Chloris, filia Amphionis Jasidae, ὅς ποτ' ἐν Ὀρχομενῷ Μινυτιῷ Ἰφι ἄνασσαν, natu minima, Neleo ¹⁹³), cui nupserat, Nestorem, Chromium, Periclymenum ἀγέρωχον et Pero formosissimam peperit. Quam filiam Neleus nemini se daturum in matrimonium declaravit, nisi qui Iphicli boves ex Thessalia (ibi enim Phylaca urbs sita erat) attulisset. Τὰς δ' οἷος ὑπέσχετο μάντις ἀμύμων ἔξειλάν. Qua in re occupatus cum caperetur, in carcerem conjectus et post annum demum θέσφατα πάντ' εἰπὼν liberatus est. Haec Homerus (v. 281-297); quae ut accuratius intelligantur, pauca quaedam addenda sunt. Tyro Nelei mater patre mortuo apud Deionem patruum, Iphycli avum educata est. Iphyclus Tyrus bona, inter quae etiam boves illae erant, occupavit et diligenter, ne sibi auferrentur, custodienda curavit. Has igitur boves Neleus repetiit et Melampus, Amythaonis filius, vatesque ille ἀμύμων adduxit ¹⁹⁴). Cujus fabulae pars altera ad Thessaliam atque Minyas, altera vel proxime ad Minyas pertinet. Chloris enim ipsa Orchomenia est, quippe cujus pater Amphion, Minyae nepos, ἐν Ὀρχομενῷ Μινυτιῷ regnasse dicatur ¹⁹⁵). Orchomenus autem utrum Thessalica an Boeotia intelligatur, nihil fere interest, quoniam utramque urbem una eademque gens incolebat: sed nescio tamen an Boeotia illa urbs a poeta significetur, quam eodem nomine aliis locis (Il. II, 511. IX, 381) appellet. Nitzschius enim, qui Orchomenum in Thessalia sitam intelligi vult et ad suam senten-

¹⁹³) Neleus a Pelia pulsus eum Amythaone Jolco exulavit et Messenen adiit, ubi Pylum condidit. cf. v. 257. 281 sqq. Hellanic. ap. Eustath. p. 1454, 30 (no. XII. Sturz.) Pausan. IV, 2, 3. et 36, 1. Apollod. I, 9, 9.

¹⁹⁴) cf. Pherecyd. ap. Schol. Vulg. Od. XI, 287 (frgm. XXVI. Sturz. p. 124 sqq.) et ad v. 290. Eustath. p. 1685.

¹⁹⁵) v. 284. cf. not. 191.

tiam probandam praeter duos illos Iliadis locos etiam Hesiod. ap. Pausan. IX. 36, 4. et Thucyd. IV. 76 affert¹⁹⁶⁾, errasse videtur, quod eos locos omnes ad Boeotium illud oppidum referendos esse apparet¹⁹⁷⁾.

Periclymenus quoque ad Boeotorum fabulas pertinet, cum ab Hercule occisus esse dicatur¹⁹⁸⁾. Quam fabulam locum habuisse imprimis in Heracliis recte contenditur¹⁹⁹⁾.

De Iphimedia, Aloeï uxore, quae ex Neptuno Otum et Ephialtem, deos ipsos in Olympo aggredi conantes, suscepit, idem, quod de Chloride, dicendum est. Iphimediæ enim fabula et Thessalica est et Boeotia. Nam in Thessalia femina illa nata erat²⁰⁰⁾, in Boeotia autem Otus et

¹⁹⁶⁾ l. l. Vol. III. p. 240.

¹⁹⁷⁾ cf. Schol. Vulg. Il. II, 511. Schol. Venet. Nav. Cat. 18. et IX, 381. Theocrit. XVI, 104 sq. Welcker. Episch. Cycl. p. 256. — cf. not. 191.

¹⁹⁸⁾ cf. Il. XI, 690. Hesiod. ap. Schol. Ven. Il. II, 336 et Schol. Apollon. Rh. I, 156. (frgm. XXX. Goettling. XVI. Marcksch.) Apollod. I. 9, 9. II. 7, 3. Heyn. Obs. p. 61 sq. 187. O. Mueller. Dor. II. p. 479. Welcker. Allgem. Schulzeit. 1831. II. no. 138. p. 1100 sqq. — cf. Nitzsch. l. l. Vol. III. p. 279. — Periclymeni *ἐκτίβητο* „ἀγρίωνχος“, quo Hesiodus quoque utitur, ex antiquioribus carminibus receptum videtur.

¹⁹⁹⁾ ab Heyn. l. l. p. 62.

²⁰⁰⁾ Aeolus

Canace. Salmoncus. Deion. Cretheus. (cf. supra p. 77 sq. 80.)

Triops. Aloeus.

Iphimedia...

Otus. Ephialtes.

Ephialtes Ascrum condidisse Musarumque religiones instituisse dicuntur ²⁰¹).

Tres illae feminae, quas extremo catalogi loco poeta posuit, dubium esse nequit, quin ad Boeotias fabulas sint referendae.

Maera enim ἡ Προΐτου τοῦ Θερανόδρου θυγάτηρ καὶ Ἀντείας τῆς Ἀμφιάνακτος ἐγένετο κάλλει διαπρεπεστάτη. Ταύτης ἱρασθεὶς Ζεὺς ἀφικνεῖται ὡς αὐτὴν καὶ λανθάνων διαφθείρει· ἡ δὲ ἔγκυος γενομένη τέκεται Λοκρὶν τὸ ὄνομα παῖδα, ὃς Θήβας μετ' Ἀμφιόνος καὶ Ζήθου ἐκίζει. Pherecyd. ap. Schol. Vulg. v. 326. (frgm. LXXII. Sturz. p. 207.)

Clymenam Minyeidem esse nomen ipsum ostendit, quod apud Minyas usitatissimum fuit. Clymenus dicitur rex Minyarum, Ergini pater (Apollod. II. 4, 11. Steph. Byz. s. v. Ἀσπληθών. Pind. OL IV, 19. Schol. Pind. OL IV, 26. 29. 32. Boekh. Expll. p. 145. Heyn. l. l. p. 137. Welcker. Episch. Cycl. p. 256 sq.); Clymenus Ergini filius, Nestoris socer (Od. III, 452., cf. Eustath. 272, 31. ed. Rom.); Clymena Minyae filia, Jasi uxor, Atalantae mater (Apollod. III. 9, 2.); Eteoclymena Minyae et Clytodorae filia (Schol. Apollon. I, 230); Periclymenus nepos Amphionis (cf. supra p. 81); Periclymena Minyae filia, Pheretis uxor, Admeti ²⁰²) mater (Hygin. Fb. XIV. Schol. Apollon. I, 230.) al. al. ²⁰³). Nostram vero

²⁰¹) cf. Pausan. IX. 29, 1. Heyn. l. l. p. 42. Boekh. Expll. Pind. Pyth. IV, 89.

²⁰²) Ut Clymena Proserpinae ita Admetus Plutonis est cognomen. Quare eadem inter Clymenam et Admetum intercedit condicio, quae inter Clymenam et Jasonem. cf. supra not. 180. De Admeto Plutonis epitheto cf. O. Mueller. Prolegg. z. e. w. Myth. p. 300 sqq. Stubr. l. l. p. 209 sqq.

²⁰³) cf. O. Mueller. Orchom. p. 256. Buttmann. l. l. p. 204.

Clymenam Minyae fuisse filiam, Phylaei uxorem, Iphicli matrem, Hesiodus tradit²⁰⁴).

Eriphyla denique cum Thebanorum fabulis conjunctissima est²⁰⁵). Nam Polynices cum bellum contra Thebas pararet²⁰⁶) et Amphiarauum, ut secum proficisceretur, excitaret, Amphiarauus, quod se illo bello periturum sciret, tergiversatus est, neque nisi ab uxore impulsus, quam monili aureo Polynices corruerat²⁰⁷), petenti se satisfacturum promisit²⁰⁸). Quae quidem Eriphylae et Amphiarai cum Boeotia conjunctio eo etiam sit arctior, quod Amphiarai in Boeotia oraculum fuisse constat²⁰⁹).

Reliquum est, ut Hereulem commemorem, quocum postremo Ulixes colloquitur. Quem cum Thebanum esse notum sit, totam libri Odysseae undecimi materiam et Minyarum et Thebanorum fabulis constare intelligis, neque profecto, quin Boeotis a Boeotio poeta illud carmen recitatum fuerit, dubitabis.

²⁰⁴) apud Schol. Vulg. Q. v. 326. cf. Nitzsch. l. l. Vol. III. p. 255.

²⁰⁵) Totam de Eriphyla et Amphiarao historiam carmen illud cyclicum videtur continuisse, quod *Ἀμφιαράου ἱξίλασις* appellabatur et ab Homero ipso inter Boeotos compositum esse dicebatur. cf. supra not. 167. Welcker. Episch. Cycl. p. 200 sqq.

²⁰⁶) cf. Il. IV, 376 sqq. Cujus belli fabula etiam Minyas, qui auxilium Thebanis tulissent, commemorabat. cf. Pausan. IX. 9, 1.

²⁰⁷) cf. Soph. Electr. 836 sqq. ibiq. Schol. Welcker. Episch. Cycl. p. 201.

²⁰⁸) cf. Od. XV, 244 sqq. Schol. ad XI, 326. Apollod. III. 6, 2 et 8. Heyn. Obs. p. 245. 252. Dissen. in Boeckh. Pind. Expll. p. 455 sqq.

²⁰⁹) cf. Pausan. I. 34, 2. (IX. 8, 2) Pind. Nem. X, 8. Herod. VIII, 134. Davis. ad Cic. de divin. I, 40. O. Mueller. Orchom. p. 146. 486 sq. Boeckh. Expll. Pind. p. 212 sqq. Dissen ad Pind. Pyth. VIII, 40 et Nem. IX, 25. C. Eckermann, Melampus und sein Geschlecht. Götting. 1840. p. 64 sqq.

Atque in eandem illam sententiam iis argumentis trahimur, quae in forma *Νεκρίας* posita sunt. Feminarum enim catalogus, qui in nostro libro inest, Boeotorum illam consuetudinem in mentem nobis revocat, qua fabulas ita memoriae tradiderunt, ut non singulas heroum res gestas accurate enarrarent, sed, feminas potissimum, quae heroes insignes peperissent, recensentes, leviter tantum attingerent. Cujus consuetudinis exemplum habemus Hesiodi illud carmen, quod *κατάλογοι γυναικῶν* vel *ἡοῖ* erat inscriptum. Neque solum in catalogis feminarum componendis Boeoti sunt versati, verum omnino etiam catalogos videntur magis, quam alibi factum est, et composuisse et recitasse²¹⁰). Etenim, ne longinqua afferam exempla, cum unum saltem in Homero ipso insit, Navium catalogum (Il. II, 483 sqq.), qui magnam libri Iliadis secundi partem complectitur, nonne a Boeoto aliquo profectum esse apparet? Cujus rei argumenta non inde repeto, quod ille *νεῶν κατάλογος* etiam *Βιωτία* appellatur, sed cum ex tota forma atque compositione, tum ex initio, quod a Boeotorum recensione exorditur. Quae enim alia causa esse poterat, qua illorum versuum poeta, ut initio Boeotos poneret, commoveretur, quam quod ipse Boeotus esset²¹¹)? Formam autem catalogi etsi non eo modo, quo nuper O. Gruppeus²¹²) voluit, restituendam esse arbitrer, tamen Boeotium auctorem indicare idem vir recte videtur contempsisse.

²¹⁰) Qui catalogorum amor in Locros, Boeotorum vicinos, transiisse videtur. cf. O. Mueller, Litt. Gesch. Vol. I. p. 168 sqq. Welcker, in Jahnii Jahrb. f. Philol. u. Paedag. 1829. (Tom. IX. 2.) p. 138 sqq.

²¹¹) cf. Grotefend, in Ersch. et Gruber. Encyclop. s. v. Homeros. p. 241 sqq.

²¹²) Ueber Hesiods Theogonie. Berlin. 1841. p. 254.

Quae cum ita sint, et forma rhapsodiae undecimae et materia tum a Boeoto tum inter Boeotos Νεκυΐαν compositam esse probant. Quibus argumentis alia accedunt in locis duobus posita, qui nisi meam de Νεκυΐας auctore sententiam amplexus sis, apte intelligi atque explicari nequeunt, Qui enim a Boeoto illum librum profectum esse statuerit, facile comprehendet, qui factum sit, ut Otus et Ephialtes πολὺ κάλλιστοι μετὰ γε κλυτὸν Ὀρίωνα (v. 310) appellentur. Nam et fratres illi et Orion ad Boeotias fabulas pertinent. Quamquam ne nimis argute hoc rimati esse atque odorati videamur, alterum locum consideremus, qui mira quaedam Agamemnonis cum Ulixē colloquentis verba continet (v. 457 sqq.):

ἄλλ' ἄγε μοι τόδε εἰπὲ καὶ ἀτρεκέως κατάλεξον
εἴ που ἔτι ζώντος ἀκούετε παιδὸς ἱμεῖο
ἧ που ἐν Ὀρχομένῳ ἧ ἐν Πύλῳ ἡμαξόεντι
ἧ που παρ' Μενελάῳ ἐνὶ Σπάρτῃ εὐρείῃ;

Quae verba ita intelligenda sunt, ut Agamemnon ex Ulixē quaerat, num quid de Orestis domicilio ac perfugio audiverit aut Orchomeni aut Pyli aut Spartae. Nam O. Muelherum, qui ad v. 459 sq. non verbum ζώντος, sed ἀκούετε refert ²¹³⁾, Nitzschius jure refellit ²¹⁴⁾. Mirum autem est, quod primo loco Orchomenus, secundo Pylus, Sparta, quae prima nominanda erat, tertio demum loco commemore-

²¹³⁾ Orchom. p. 245 sq.: Dafs Nestor, dafs Menelaos Kunde geben sollen von dem Atridenhause, ist nicht zu verwundern, und überdiess stand Pylos, nach dem Homerischen Hymnos, [in Apollin. v. 396 sqq.?] in frühem Handelsverkehr mit Kreta: aber dafs Orchomenos, ist ganz allein der Voraussetzung zuzuschreiben, dafs dort Zusammenfluss von Fremden vielerlei Kunde zusammenführt."

²¹⁴⁾ l. l. Vol. III. p. 277 sq.

tur ²¹⁵). Cujus quidem ἀπορίας a se primo notatae Nitzschius hanc λύσιν proposuit ²¹⁶): Jenes in Orchomenos oder in Pylos muß wohl ein Gegensatz allgemeineren Sinnes sein, oder gar etwa eine sprichwörtliche Bezeichnung. Agamemnon meint wohl: Sei es etwa im Norden (im Minyischen Orchomenos) oder im Süden (im Messenischen Pylos), oder im besten Falle beim Menelaos in Sparta. In ein solches Verhältniß muß das letzte Satzglied von Menelaos nothwendig kommen." Sed in Nitzschii interpretatione acquiescere nequeo. Illud sane et Muellerus et Nitzschius recte perspexerunt, Orchomenum Minyëiam esse intelligendam (v. 459), sed tota tamen illorum versuum difficultas alia mihi ratione tollenda videtur. Nam cum Νεκυίας materia et forma Boeotium illius rhapsodiae auctorem indicaret, inde mira Agamemnonis verba explicari posse facile perspiciebam. Qui enim factum sit, ut Orchomenus primo loco nominaretur, Pylus secundo ²¹⁷), Sparta tertio demum, is statim comprehendet, qui meam de Νεκυίας origine sententiam probaverit.

Quibus expositis librum Odysseae undecimum a Boeoto aliquo confectum esse apparebit. Nam argumenta adhuc prolata videntur esse ea, quibus in singulorum Homeri carminum patria investiganda majora afferri non possint. Tota enim illa quaestio in eo magis, quod probabile est, quam in vero ipso versetur necesse est. Quare cum in Boeotia sive inter Boeotos compositam esse Νεκυίαν probabile sit, ne quid deesse huic disputationi videatur, quid Boeotorum Ulixis fabulam apud se celebrari interfuerit quaeramus locumque investigemus, quo recitari Νεκυία potuerit.

²¹⁵) cf. Nitzsch. l. l. Vol. III. p. 278.

²¹⁶) l. l. Vol. III. p. 278 sq.

²¹⁷) cf. supra p. 80. Nitzsch. l. l. Vol. III. p. 279.

Inter Boeotiam autem et Ithacam societatem commerciumque fuisse narratio prodit, qua Alalcomenae, Ithacae aut Asteridis, insulae proxime Ithacam, oppidum ab illa Boeotiae urbe oriundae dicuntur²¹⁸). Huc quoque referenda sunt, quae Ulixem Alalcomenis Boeoticis ab Anticlea expositum esse produnt²¹⁹). Nomen quoque Cephalenum, qui Ulixi subditi erant²²⁰), ad Boeotiam spectat. Deducitur enim a Cephalo, Deionis filio, qui Thebis habitabat et Cephalenum insulas ab Amphitryone, quem bellum gerentem adjuvisset, dono accipiebat²²¹). Subjectae igitur illae insulae erant jam Amphitryonis, Thebanorum principis, imperio. Atque fuerunt, qui ab hoc Cephalo Ulixem oriundum esse dicerent²²²). Quin etiam in ipsa Boeotia Ulixes natus esse perhibetur²²³). Quae cum ita sese habeant etiam propius ad Boeotos pertinuisse Ulixis fabulam intelligitur.

²¹⁸) cf. Plutarch. Quaest. Gr. 43. p. 402. ed. Hutt. Apollodor. ap. Strab. X. p. 457 A. (ap. Heyn. p. 424) ibiq. Tzschuck. p. 92. O. Mueller. Orch. p. 213: wichtiger ist, daß das Heiligtum [der Athene bei Alalcomenae] am Triton liegt, und von hier Athena Tritonis genannt wird, ein Name der in den Minyischen Sagen und Zügen wiederspielt: wichtig ist auch die Sage, daß Odysseus, der Schützling der Pallas, von hier aus den Namen, als seine Metropole, auf den Hauptort Ithacas übertragen habe." — cf. O. Mueller. Prolegg. p. 362. Kruse. Hellas. II. 2. p. 415 sq. Voeleker. Homer. Geogr. p. 71.

²¹⁹) cf. Schol. Hom. Il. XXIII, 783. ὁ δὲ Ἰστρος ἐκτεθῆναι ὑπὸ Ἀντικλείας Ὀδυσσεὺς φησὶν ἐν Ἀλαλκομεναῖς τῆς Βοιωτίας, ἣ ἴστω ἐκ τῆς Ἀθήνης.

²²⁰) cf. Il. II, 631. Od. XX, 210. XXIV, 354. 377. 423.

²²¹) cf. Schol. Venet. Nav. Cat. 138. Apollod. II. 4, 7. Strab. p. 454. Kruse. Hellas. II. 2. p. 275 sqq.

²²²) cf. Eustath. p. 1396, 5. cf. p. 307, 4. 308, 13.

²²³) cf. Lycophron. Cass. 786 ibiq. Tzetz. et Schol. Bachm.

Multis autem poetis epicis cum Boeotia excelluerit, multis locis et urbibus Νεϋία orta esse potest. Sed ut tota hujus carminis et materia et forma ad Orchomenios Thebanosque spectat, ita apud alteros utros carmen illud compositum esse veri est simillimum. Atque eodem nostrae rhapsodiae originem nos jubent referre dies illi festi ad deos celebrandos instituti, quibus utraque urbs excellebat. Charitesii enim Orchomeni celebratis poetarum certamina instituta fuisse cum ex communi illo Graecorum more, tum ex disertis, quae hac de re exstant, testimoniis apertum est. Sicut Hesiodus cum Orchomeno tam conjunctus fuit, ut dubitari, quin ibi et recitarit carmina et cum aliis poetis epicis certarit, nequeat. Thebis autem Homerica carmina cognita fuisse inde cernitur, quod Homerum eo venisse et Croniis carmina recitasse traditum est ²²¹).

His igitur argumentis, ut sive a Bocoto, sive inter Bocotos Νεϋίαν compositam esse ducam, commoveor. Qua in re spero fore ut, si aut minus accurate atque enucleate disputarim, aut probabiliora saepenumero quam veriora protulerim, ne mihi in virorum doctissimorum humanitate desit praesidium.

²²¹) cf. Plutarch. Vit. Hom. ep. 4. Welcker. Ep. Cycl. p. 207 sq. De Orchomeno cf. O. Mueller. Orchom. p. 390. Griech. Litt. Gesch. Vol. I. p. 139 sq. —



TYPIS ACADEMICIS.





